

春日草齋集

四明張氏釣園開雕

序

嘗怪古文辭之學元明之際多失其真豈流風餘韻漸
焉已盡與然如烏春草歸熙甫二先生何由而興起哉
有清古文辭學稱極盛方姚宗派之說緣是啓然異時
固有薄方姚詬病宗派者矣方姚以來羣尊熙甫以祧
八家熙甫文遂大顯于世春草文守矩矱在元明際洵
可謂雅潔不靡有先民之遺風也雖未逮熙甫之春容
要可謂一世之好顧其傳之顯晦迴不侔焉考二先生
出處行誼彷彿相類熙甫刺長興最績遷秩春草宰石

香齋集序

一四明叢書
約園刊本

龍永新皆有惠政尤以興起儒學爲務熙甫傳張貞女
事春草傳譚節婦事春草以經學飾吏治熙甫亦然至
於工詩古文辭二先生則又同焉顧其沒世之傳顯晦
乃若此殊豈非有幸不幸哉宋潛溪旣美其文謂皎潔
如明月珠洵湧如春江濤又曰文有師承實接胡氏修
道之傳楊子器稱其詩疏秀若雨後春山綺麗若雲中
翠巘然先生學本慈湖故立言有物非第搖曳爲聲勢
者比也蓋文不衷理道則徒華而少質不本諸經則游
辭無實虛調焉而已天下之爲文言之無物者十恆大

七今觀春草集則益知言必有物其文乃真嗚乎有如
春草者豈可不極稱以顯其傳哉余既彙刻詩古文辭
曰春草齋集十二卷因憶慈谿王君艘蓮營有重刊之志
見之序言王君意趣澹雅留心鄉獻著有西江詩稿二
十八卷今墓木久拱矣憾未能起九原而就正之斯書
之編校則尤忻君紹如之功也因並著焉民國二十四
年四月後學張壽鏞序

春草先生小像



春草齋集 像贊

四明叢書
約園刊本

方孝孺贊

波涵鏡水文馳賀監之聲碑枕蘭亭墨妙右軍之筆夫
是以爲草之聖爲木之公爲作者之雄式瞻遺範抑亦
爲老氏之猶龍

羅倫贊

行生自得魚躍鳶飛品彙咸若滿前罪疊道貌天形活
潑潑地晤對斯意於焉庶幾

劉憲寵贊

先生淵然道脈睟乎德容汪汪萬頃之波巖巖千丈之

松維舅及弟篤友與恭昔陳寔不名於文苑而禰衡不
列於士宗惟先生四 之氣咸備而文行兼擅乎人龍
醇膏徧於楚澤惠政及於鄰封宜易地之畏壘常存而
千秋之馨宗有頤也

馮 挺贊

卓哉先生齋名春草淑氣噓蒸芝眉噴藻豐頤廣額弘
才碩抱賦歷相如詩驚賈島禁老稱雄帝師讓矯胡元
霧撥披葛懷實聖明雲從彈冠應召石龍永新栽花潤
槁旌義表節穹碑載道伯仲懸車就荒怡老昭代大儒

春草齋集

像贊

一四胡敬書

約園刊本

人文師表

烏先生春草齋集序

世之學者必有師雖百工技藝之微亦必有以相授然後能造其闕奧況爲文者發造化之祕貫古今之統苟無以管攝而闡闢之則何以盡其變化不測之妙若不傳之於師奚可哉吾鄉修道先生胡公以光明正大之學發爲精微巖簡之文訓迪學子篇章句字皆有法往往從之者多得文之旨趣其所造固有淺深高下之殊而體裁終不失於古四明夢堂墨師雖居浮屠中能久與先生游先生爲文之法實與聞之烏君繼善自幼學

春草齋集

原敘跋

一四明叢書

約園刊本

文於夢堂凡先生所指授者悉以語烏君故烏君之爲文俊潔如明月珠起伏如春江濤余因語二三子曰必如烏君然後可以言文也若無師授其可易致是哉余嘗譬之有美錦焉使朝市縫人製之則能中度而適體委以巖穴之麤工則左低而右昂上侈而下斂錦固錦矣其如不合作何文之無師授者亦若斯而已余老且多病文字一切謝去不作縱有一二類皆假手於人獨喜烏君之文親題其首簡而歸之於乎余生也後雖居先生之鄉而不能傳先生之學其於烏君又豈能無慊

於中哉烏君名斯道繼善字也明之慈谿人嘗知化之
石龍縣今調吉之永新其爲人也溫然如玉蓋與文相
稱云金華宋濂撰

烏先生春草齋集序

芹香春草他不具論卽譚家一事得先生文藻爲洗發
而羣卉含芳於春晝矣予披文而壯之曰滿廷之上無
男子十亂之中有婦人洵哉吾江右石骨嶙嶙鐵韻錚
錚文丞相氣節特上而復有八磚之留影不願與蔡琰
悲笳較潔且如沈玉娥江露筋山隈氣非不烈俱不得

春草齋集

原敘跋

一一四明叢書
綉園刊本

點血殿廷也而譚婦之品地獨高始知禾川化碧大不
似馬嵬坡也先生敦尙氣節又安忍其壘土埋名而含
冤宿草嗟嗟節婦之名得先生而著先生之文不偕苟
令而香哉第節婦有義山一片石而苔蘚豐碑矣先生
刻石無主尤滅沒於荒煙野莽節婦有上林一束芻而
蘋醕特薦矣先生祠宇缺如尤圯廢於魯殿靈光抑其
厥嗣未能駿起而光大之耶抑亦子期之清奏不能續
韻於鈞天而太白之遺簪未得留痕於采石也歟雖然
先生之文不死而先生之浩氣迄與文文山相炳照天

下有義文山者定自有壯先生者嗣是而俎豆之尸祝之碑碣之當以予言爲左券予亦自附於惇史吉水解縉撰

烏先生春草齋集序

論世者於儒術吏治匪獨其懸魚除馬膏流渥被要以采風揚馨助流聲教若緹紫木蘭特承表章而好事者亦如中郎快有道之碑昌黎詳雲霧之述誠兩重也然人與事之壽世不如文之行遠所繇來矣慈先達烏春草先生國初大儒也以辟命令吾吉永新先生以文章

春草齋集原敘跋

三四明嚴書

約圖刊本

飭吏治多所惠政而先之揚挖風教若譚節婦祠記洎予先運使贈少師養心公以叔姪爭死義至烈先生手駢義傳歌詠之至今郡志邑乘藉以煌煌垂二百餘年尸祝不絕誠人與文兩重者耶余入甬上亟訪先生遺蹟見郡邑人物志並崇重焉又訪其後裔厥孫烏獻明以儒衿來謁稽遺編則袖春草齋集鈔本以進其中篇什屬里屬吉者參半金華宋學士爲之序蓋昔梓而久磨滅剝蝕沒沒足虞予捐贖緩命剗剗新之付獻明緝以有永嗟夫先生與伯兄春風先生並稱二難高皇帝

有江澍文章數二鳥之衰誠鴻初淳熙蒸爲人傑後生
仰魯靈光久矣其文個質不浮儼然犧樽而吾吉忠臣
義士詞客隱林莫侈於國初與浙山川競爽殊足以縱
先生龍門之采而苞發於鴻寶卽片羽吉光映帶生色
豈可令湮無傳余不敏來莅茲土愧無長短迺其揚扃
聲教之意不敢自替藉是刻以流播如中郎昌黎之自
託竊取幸矣至於揚祖徵景前修徵文獻所取資尤非
一二則予區區論世之微緒也遂次以授獻明崇禎二
年己巳春三月賜進士第中大夫海兵使者浙江按察

春草齋集

原敘跋

四四明叢書
約圖刊本

司使前吏兵二科右給事中通家後學泰和蕭基書於
寧署之青引軒

春草先生集選序

余於芸窗佔畢時見先生詩文於名選中又於浙闈典
試時見先生品行於郡誌中歲辛丑奉命總裁會試得
烏生震來謁時詢其自出則先生之裔也爲道春草先
生與其兄春風先生操行卓犖藝苑並馳明太祖有江
浙文章數二鳥之衰其他前後事甚悉越日烏生捧一
編來跪而請曰此吾祖遺棄行世已久板幾漫滅且篇

帙甚夥擣取爲艱惟拔其尤者而登之更藉如椽以光
剗剔余諾其請已而讀之文以氣格勝神似大家詩則
雋爽明快摩詰日休龜蒙一流洋洋巨觀前所見直一
斑耳蓋運當肇啓鴻濛未琢稍有點染巧倩天然無中
晚珣鏤谿刻之病是以宋學士序之於前解學士序之
於後誠愛之重之也公餘之隙爲之丹黃甲乙取其中
馴而汰之其存者皆百鍊之精萬選之青把不盈握而
光景常新雖然先生匪特文人也烽煙四起徵書兩集
先生皆不顧惟向谿山深處構一椽伯倡仲和苦將終
身已而金陵定鼎出試花封歷有成績卽其表章節婦
一事更裨風教若先生者貞不絕俗用不違時處則韜
德輝於三徑出則播德澤於九州其行誼尤堪垂範烏
生勉乎哉繩乃祖武以大先業豈異人任乎毋徒求之
隄廩管城閒也鍾陵熊伯龍次侯氏拜手題

春草先生集選序

先曾王父寓庸公與慈湖劉抑之先生爲異姓舅弟往
來甚密余故知慈之先輩有春風春草兩先生者初爲
巖穴領袖旣爲民社羽儀生平行誼無不卓卓可傳其

古文辭詩歌皆膾炙人口往往於詩文選內見姓名深爲企慕以未窺全豹爲恨今歲得交烏君又韓又韓爲春草先生十世孫盡出其遺稿而語余曰若爲全集若爲鍾陵熊老師選本曩成進士時卽欲授之黎東然鹿窟途崎嶇鳥道車塵馬足之不暇而暇鳩工庀材作此風雅事乎今者宦遊旣倦歲月甚閒惟是先業之未光爲懼又僦寓西湖得與吾子莫逆幸爲我序而行之余受而卒業見全集甚繁告成不易而次侯先生選本矜貴異常篇篇精當不必增損其間直可付梓但次侯

春草齋集

原敘跋

六四明叢書

一約園刊本

先生有選無評恐不足以娛閱者之目偶有管窺僭綴數語至後附譚節婦始末并其集古諸篇則以磚影之奇集句之巧非節婦無以樹遇難之貞非先生不能彰節婦之操一段堅光誠有不可磨滅者故特表章之因使閩閩之弄柔翰者讀是集學文則掇其英蕤勵行則賞其苦節其爲裨益風教豈淺鮮哉又韓曰善遂書而弁諸簡端康熙二十一年歲次壬戌西湖後學黃敬修右序氏謹題於裕德堂之南軒

跋春草齋集

春草先生篤行修文並重於世自徵辟起家令石龍永
新聞有異政卽蕭氏叔姪爭抵罪先生爲立傳致上官
感悟郡邑誌猶可攷則其爲昭代彝鼎可知宜觀察蕭
使君之無忘於醴源也第其詩文咸蕤橐下已二百餘
年幾供蠹蝕幸其孫獻明輯殘編以爲家藏迨今始藉
觀察捐贖鍍壽梓以行於世且爲弁首揚挖其潛德昔
太冲三賦必句敘皇甫公謚而後知名先生何營於觀
察觀察又何私於先生哉蓋先生濯靈沆瀣滌襟秋水
學問皆本之六經諸史而曠世達觀閒濟以函谷漆園

春草集 原敘跋

七 四明叢書

約園刊本

氣韻令人望之不覺心遠此不朽之業鬼神所呵如有
待而傳有以也余讀宋金華序謂先生源匯胡修道以
儒而授之醜師夢堂醜以禪而授之先生以乎得其影
響尙未領其閭奧也蓋吾鄉楊慈湖公學向本來悟從
先覺雅爲先生所私淑故其文溫而理廉而不劇達而
不流慈湖之神唯先生獨得其傳者刻成觀察命余亦
爲敘夫天球奏響瓦缶奚庸續貂實懼勉跋數言稍爲
補遺以溯先達一脈云邑後學劉憲寵謹跋

跋春草公集

予藝祖以文章砥氣質蓋挺河岳之資蘊巖廊之器名山大川盡收胸臆故發爲文詞方太白子長而無愧予生也晚曠然神遊其際恨不能追附其影響雖大雅不作而闕氣在茲所幸未墜之文幾經劫運而不致與煙雨同消沈耳雖然是集也無海憲蕭公之追敘則何以墓勒其遺文微舍弟獻明之討求則何以摺撫於散帙碑有峴山囊無封禪敢曰得力於江山之助哉予佩服家乘非長空桑而志事未逮尙有未盡之書緝每一諷誦瓊襲生韻如此也則文明已越浮玉而望闕風矣遂

春草齋集

源敘跋

八四明叢書

約園刊本

不揣其固陋而以俚言綴末簡八世孫文明謹跋
擬重刊春草齋集序

烏先生春草齋集鶴於明初者足本也泰和蕭氏節之爲崇禎本鎮陵熊氏再節之爲順治本而足本益晦四庫所收爲蕭節本熊本易主者屢矣然予於皇明文苑得文一明文海得文四列朝詩集得詩五蕭熊二本皆無之知當時足本容有存焉者迄於今歲月浸遠洵經兵火遂不可物色矣辛卯夏予託奉川明經孫君玉僊鈔蕭節本於錢塘丁氏將募貲以付手民而董君佐宸

欣然獨任明經校讎精審一覽輒指呂丞書之誤是集
之再揭曰日繁二君之力顧予則不能已於言者吾慈
僻在海隅漢唐以上率少儒彥虞闕諸公又爲他邑所
引重迨宋而有太隱石臺兩先生顧亦未嘗斤斤於著
述也文潔因文見道卓乎一代鉅手承之者其烏先生
乎先生生當元季遭時割裂食貧勵志澹然不求聞達
乃得肆力於詩古文琴堂小試稍展驥足率從擯放浮
湛里社以老自是厥後夢墨時氏澹然陳氏東泉姚氏
父子文榮袁氏馮氏留仙次牧鄭氏勉齋秦川繼踵而

卷之九

原敘跋

九

四庫全書
約圖刊本

興雖淺深純駁不能一致而皆不相因襲適如其分量
以出至本朝湛園姜氏金聲玉振胚胎前光寒村橫山
爲之疏附海內談藝家莫能外焉此亦谿上一大公案
也然而才傳之生必有賢者相與砥礪切劑然後乃克
底於成春草以春風爲之兄夢堂爲之師戴雲林桂清
節胡舜咨之徒以爲之友湛園交游尤廣其一時尊師
取友與夫稽古力學之勤舉非尋常所可及又皆遭遇
叔末世故物態目涉耳聞足以激壯其識慮而先生詩
文春容衍迤言質而備理坦而明無拔張翫麟不平之

氣此其所以可貴也卽以師法論元之四傑虞揭柳黃各有授受再傳而爲安雅爲九靈爲潛溪爲華川爲仲子或青勝於藍或具體而微要之皆有源派可尋四明自樓宣獻以來多相祖述如清容出於剡源剡源出於王舒亦未有無師法者而先生獨宗胡修道故潛溪謂其體裁近古非師授不致是今後生膚學竊有見於韓歐曾蘇家言輒欲抗衡作者而徇背師門不合體裁者多矣最下挾其行卷以趨時利矜奇務博蛟螭蛙蠃齷然雜出幾不復知文章之有根據先生則私淑慈湖親

齊齋集

原敘跋

十四朝叢書

利國刊本

聆相山寶峯子中三君子之緒論以德性視其躬以經訓鏡其行發爲文字雖少絕特之觀以視侈爲說辭者相去遠矣況於後生膚學者耶況於挾行卷以趨時利者耶貞元之交吾鄉人士多從事於實學而前輩遺集之不可見者亦次第畢出若絜齋集深寧集刊於鄞若剡源文鈔松鄉文集刊於奉若天愚山人集蛟川文存刊於鎮而吾慈亦有慈湖遺書姜先生全集之刊今夢墨稿方舉事春草集輒隨之豈師若弟冥冥之靈有以默相之歟何其不約而同也願儻觀郡邑志藝文鄉先

生撰著尙多而予所及見能兼詩古文者止此寥寥十數家此十數家者又不皆完然成帙或時於他籍掇拾數篇數十百篇俾知其書之未盡亡而已先生詩文早登祕閣五百年來能追逐者幾人是集行用古繩尺範今世士雖齟齬要自正法眼藏非野狐禪者流也玉僊於此道三折肱矣童君試以予言質之光緒十七年辛卯秋八月邑後學王家振謹撰

卷五

原敘跋

十一 四明叢書

續圖刊本

春草齋集目錄

卷一

詩之一

五言古詩

松溪漁隱

答胡徵君舜咨還山二首

詠史

病中興感因成七詩寄蒲庵老禪

題寒林遠岫圖

葉國諒赴蘭亭書院山長

春草齋集目錄

四明叢書
紛園刊本

與揭伯方先生桂彥良重遊東山分韻得烏字

野人居爲陳則顏賦

邀友人胡舜咨姚晉道劉庸道北郊夜坐

送薛彥仁之京二首

答胡徵士

飲天游室夜大雨移席有作

題坦腹江亭圖

蔡節婦詩二首

中秋遲雲林先生不至越五日見訪有感二首

大生堂

過西山訪章願學鍾聲伯二隱者兼與同遊諸

公分韻得深字

題江閣燕坐圖

石龍人日山行二首

力農三詩

徐梅澗先生授予琴予寫曲調之意賦詩九章

送丘文澗之西涼

寄友胡舜咨九首

春堂齋集 目錄

爲貴朽石法師賦竹窗詩

春草雜言五首

山居雜言二首

送劉庸道之閩

東山燕集

送舒汝臨參軍秩滿歸

送無作禪師住保福院

送趙以衡歸錢塘三首

自然齋詩爲周原夫作五首

松軒

重過東山分韻得嘉字

野庵爲姜敬章監丞賦

讀書樓爲天台張隱士賦

槃隱爲沈子俊賦

晚年病目詩七首

集杏花下

古詩 四首之一 據列朝詩集補入

吳節婦 據列朝詩集補入

香齋集目錄

三 四明叢書

約園刊本

卷二

詩之二

七言古詩 樂府附

十洲小艇歌爲張彥密賦

胡宗器使汾陽得韓幹畫馬石刻歸以見贈作

歌遺之

大雅歌爲冷起敬先生

寶鏡篇

山齋歌爲義興吳公選作

題胡仲厚所畫山水圖

白雲歌送孫子章歸天台省觀

秋巖將軍歌

賦得吳王避暑宮陶侃讀書堂二詩送丁鶴年

夏日歸武昌

清眺歌爲屠隱君

送任雲翰歸省

開元老柏行

海隄行

紫翠丹房歌爲周伯高賦

卷之四目錄

四四明叢書

約園刊本

醉歌行贈定海守禦江將軍

陳仲復先生所畫馬轉贈吳生好德

白雲山房歌

惠墨歌

雲山圖歌

王山人桃花牛歌

醉歌行贈夏叔幹

贈楊允銘小篆歌

題劉商觀弈圖

空青歌爲臨江何九思賦

宋生代兄從軍行

石塘舊隱歌爲泰和蕭文學賦

題江村漁話圖

屈海童歌

長平戈頭歎

一笑軒爲指南禪師賦

題教子升天龍圖

送督造海舟錢使君還錢塘

香齋集目錄

五四明叢書

約園刊本

贈都閩掾張彥剛

翁婦行

金陵行送王廷助

爲石龍吳簿寫竹併題

丁孝子詩

據列朝詩集補入

樂府

烏生八九子

公無渡河

烏夜啼

搖搖花

寡婦詞

題馬圖

秋風歌三章

北風辭送余舜容之京

馬食粟

龍淵有珍寶

卷三

詩之三

五言律詩

排律附

香齋集

目錄

六

四明叢書

約園刊本

北郭小樓與友玩月

偶作

題山水圖

蚤朝

病中懷劉庸道

余退軒以詩見寄次韻答之二首

與諸友山中晚行

將赴石龍北流道中有作

西湖小隱

倪克受惠藥

送童仲美歸金華

題扇頭山水贈殷本初

石龍棠陰道中遲劉淑齋不至

懷張孟善

寄韞禪師

送張彥誠之京

寄王彥貞二首

寄桂長史二首

香齋彙編目錄

題隱士圖況史僉事

高涼鄒通守以詩寄予石龍次韻奉答

五言排律

送闍禪師住蘆山四十韻

默齋詩五十韻爲黃仁則賦

送月公赴南臺中丞

遊香山與王徵君子信途中聯句

卷四

詩之四

七言律詩

七四明叢書
約園刊本

登粵王臺

送王益謙之京二首

遊海珠寺

凌雲軒爲泰和蕭君賦

送汪以敬歸睦州省覲四首

中秋遇雨次趙之才韻

次韻酬范運中

送夏均禮之京二首

野堂爲朱夢良賦

登車齋目錄

八

四明叢書

約園刊本

涵虛館訪章復彥不值

章復彥許畫菜作詩促之

答馬易之編修次來韻

劉羽庭太守攜酒訪余北郊贈詩答之

送王元魯歸吳

題李尚賓御史九巖山房圖

月夜渡水訪童有嚴劉子明及其子庸道

遊梅谿贈張維中

送吳季章遊東湖

大松場俞少府歸隱

題嘉上人寄懶軒

次韻俞有巖

登九成臺

遊南華寺

賦王景章拙齋

劉羽庭太守醵酒宴倪氏池亭

送王公中丞之山南廉訪三首

題泉上人容膝齋

春車齋集

目錄

九四明叢書

約園刊本

倪氏池亭陪羽庭太守燕集分韻得東字

送楊敬修之京

次王公中丞杜若湖泛舟

送高麗相還國

碧筒飲

和史樵雲春興三首

過十八灘

登望湖亭

登小孤山

秦養浩隱居養母造訪胎詩三首

次韻俞楊士廉二首

從心齋爲丁自南真人賦

廣東留別胡長之

清嘯軒爲吉水王子常

題秋江獨釣圖

送陳生往建寧省觀

送侯尙賓使高麗

六月伏日同謝彥實倪氏池亭小酌

春暉集

目錄

十四明叢書

一約圖刊本

上天官尙書子初以布衣上京作此求退

謁徐孺子祠

題周楞庵隱居

送友人夏仲儒赴京

七月十五夜對月次蔣孟瞻韻

臥病江樓爲點大參被謫而作

題崆峒圖送龍虎山何仲旭遠遊

森玉軒爲上虞徐隱者賦

送樂生楊彥益還神樂觀

周瑜墓

送於彥仁歸南昌

過大庾嶺

送王允恭歸廬陵兼簡王子讓

江上逢春二首

題輿公所畫湘江萬竹圖

陪桂彥良先生宴董氏荷亭

澹然齋詩爲澤上人賦

張丞書來許舟相迎舟竟不至戲畱

看齋集目錄

十二四明叢書

約圖刊本

謝李宏道寄靈壽杖

東湖

二靈山

悟空寺

育王寺二首

遊獅子山龍潭

嘗桔徐子實家

城南

相山偶作

天鏡亭

登蔣山

寄鄉中諸友

題海角石

遊寶峯庵和僧穆庵韻

譚節婦

弔錢融堂先生

次蒲庵長老韻二首

據列朝詩集補入

卷五

詩之五

春草齋集目錄

十二四明叢書

約園刊本

七言絕句

闕峯

山居二絕

題釣圖

棣華亭爲泰和蕭鵬舉賦四首

題畫三首

送陳省之之永嘉二首

題墨梅

題蘭

題畫馬

過張氏耕隱二首

爲順上人書禊帖後

吳季章松齋

和劉彥高倪氏園亭卽事七首

櫻桃

睡禽

柳橋

甲寅臘月十日自石龍赴廣州會城途中紀行

春畫齋目錄

十三四明鼓書

十六首

約圖刊本

題江山枯木

詠梅花三首

題慈湖書院壁

乞休

卷六

文之一

記

重建石龍縣儒學記

重修永新縣儒學記

雷州衛指揮張公完城記

拄笏軒記

重建水月觀音寺記

愛山水軒記

四明小山記

譚節婦祠堂記

紫泉記

三皇廟重創儀門記

全節池記

卷五 雜錄

山木軒記

駐鶴樓記

大惠寺記

文會軒記

栖碧軒記

驃騎山龍化精舍記

蘿石軒記

粟中齋記

自怡齋記

白雲精室記

山趣軒記

琢玉齋記

水竹居記

杖錫禪寺紀續碑記

夢墨軒記

睡樂軒記

介石齋記

畦樂軒記

香齋齋集目錄

農莊記

村塢記

退齋記

九靈山房記

二蘭齋記

知歸庵記

曲水莊記

石壁山房記

宜晚樓記

十五

四明館書
約園刊本

卷七

文之二

傳

駢義傳

晉王傳清節桂先生傳

孝義傳

丁孝子傳

張孝子傳

月娥傳

巨節婦傳

齊東野語目錄

十六四明叢書
約園刊本

張節婦傳

樂枏傳

倪隱君傳

據皇明文苑補入

卷八

文之三

序

送遜都月公赴山南廉訪使序

送丁侯元善赴福清監州序

送陳仲寬都事從元帥捕倭寇序

送馬易之編修北上序

贈慶元監郡元臣侯德政序

送高木中知司秩滿序

送千夫長王立本歸括蒼序

送劉庸道遊閩中序

送錢仲山赴春官會試序

贈行省理問仲剛君治城序

贈醫者馮玉剛序

贈道者陳文華序

送闍上人住香山序

春重齋集

目錄

十七四明叢書

約園刊本

刻唐律易覽序

刻輿地圖序

答謝劉羽庭太守詩序

缺

玄雲吐月詩序

禱雨詩序

乾坤清氣詩序

月夜小酌詩序

雨夜寓宿倡和詩序

松下小稿序

送張履順復人曹監序 據明文海補入

劉職方詩集序 據明文海補入

王敏功詩集序 據明文海補入

卷九

文之四

書表

遺陳令尹書

寄蔣伯威書

與呂丞子約 係舒文靖文誤入

代浙江分省李郎中上方丞相書

春草齋集目錄

十八四明鼓書
約圖刊本

奉蒐隱升僑詔書徵辟赴京謝表

卷十

文之五

誌銘 墓表 行狀

岳州郡司理錢公墓誌銘

嘉興學正李君文衍墓誌銘

後溪居士劉君墓誌銘

永新學正蕭君墓誌銘

陸君季嘉墓誌銘

劉君子綸墓誌銘

周晦齋墓誌銘

據明文海補入

處士倪君仲權墓表

轉運使掾倪君大亨行狀

先兄春風先生行狀

卷十一

文之六

雜著

靜德齋箴

默齋贊

友人畫像贊

春風齋集目錄

十九

四明叢書
約園刊本

自贊小影

松風齋銘

植德莊銘

瘞猿銘

鏡堂銘

紫竹杖銘

春江引

春草賦

三世雷記

漁記

德驥傳

讀呂氏春秋

辨岳鄂王不渡河

書王君國寶傳後

書慈湖先生召呼磬圖後

書倪仲權所藏南軒先生墨蹟後

書童翁傳後

跋余伯熊古詞長歌

秦皇齋集 目錄

二十一

四明叢書
約圖刊本

題胡公鼎宗譜

題童氏族譜

題花香竹影圖

跋剡源志銘

烏氏家譜引

書自作詩文後與楊伯純

書亡子良課稿

卷十二

附錄

別傳 題辭 軼事

春草齋集卷一

詩之一

明慈谿烏斯道繼善撰

五言古詩

松溪漁隱

青松何矯矯，溪水何泠泠。中有垂緝者，悠悠樂中情。濯足繁陰底，涼颼吹我纓。四山闕無人，一鳥空中鳴。層臺肅羣仙，空壇森百靈。白雲被廣路，瑤花繚幽局。明月忽在水，浩歌激青冥。勝地東南富，漁者江海盈。茲味一何寡，高風吁獨清。

春草齋集卷一

四明叢書
續圖刊本

答胡徵君舜咨還山二首

高蹤寄空谷，幽居託田閒。江水非吾限，可以相往還。游魚當在淵，飛鳥當在山。謝此城郭遊，逸駕不可攀。還山濯清泚，何如冰雪顏。

其二

君子保厥軀，於以待昌時。白日懼顛蹶，夜行不傾危。歸心若金石，固留終我違。譬彼出峽舟，欲挽不可追。山神亦已怨，來歸一何遲。

詠史

商顏避秦烈何獨有園綺於何隆準公泗鼎不可起謀
猶信留侯仁慈在儲嗣安劉匪平勃誠由四翁耳豈中
燃霞疾徒與麋鹿死芝草長滿山誰與繼脩軌嗟哉司
馬公一傳勒青史排難何足云乃傳魯連子

病中興感因成七詩寄蒲庵老禪

青天湛秋水明月揚素波浮雲自何來漫漫掩星河中
宵月離畢晨朝俾滂沱蟬螻乃止之時雨良不多天道
本無意咄咄其如何

其二

香草齋集

卷一

一

四明叢書

約園刊本

人生惡好勝水關良足嗤有口貴守默石言豈其宜桑
田可衣食忍使魚龍歸青山可結構迺向空中飛地道
本寧靜咄咄何如茲

其三

狗蘭畏陽盛甘鞠懼蟲食昌陽惡溪溷揭車傷土瘠上
有寄生草蒙茸託松柏下有無名花紛披弄佳色尋芳
邈無人空有馨香德

其四

唧蛆素甘帶鴟鴞喜食鼠蛇長卽吞象蝟小能制虎鷹

鷓與鴛鴦生同被毛羽胡不念同類搏擊苦相侮鴛鴦
好文采疇能憐愛汝

其五

病中無所爲據梧觀品彙品彙自錯迕吾何發長喟彼
美蒲庵叟守道已淳備靜坐一室中縣解六合內朗譚
逍遙篇龔服許詢輩

其六

公讀西竺書我讀東魯文我坐枝葉煩復有彼此分何
當罄忘之緇素如一人醫生文字先同爲葛天民無言

春草齋集卷一

二四明叢書

約園刊本

亦無辯熙熙樂芳春

其七

相別無一語相見無一言於何忘形者遠情復相牽我
持江上風遺公吹法筵公以竹聞月照我調素絃風比
錦繡段月比青琅玕

題寒林遠岫圖

遊子念故山歲晏不得歸出門見林薄日暮煙火微關
河渺千里猿狖聲正悲況爾霜雪繁鳥道不可躋陽春
固伊邇奈此寒無衣衣寒何足歎所憂美人違

葉國諒赴蘭亭書院山長

考槃衡門下階前芳草深方池耀晴旭遙天墮鳴禽之
子方訣別驅車向山陰山陰予故遊矯首追登臨崇山
俯清曠迴湍激靈襟風磴石齒齒孤亭樹森森達人不可
作詠歌有遺音流光三十載再往違素心惟將飄飄
思中夜託瑤琴君子美如玉於茲遂幽尋暮春服單袷
涼颺集冠簪宴坐雲霞谷徘徊松竹林至理忽自得悅
仰無古今

與揭伯防先生桂彥良重遊東山分韻得鳥字

香齋集

卷一

四四明叢書

約園刊本

荏苒歲云暮霜露摧百草東山松柏姿青青故相好我
有違曠思戾茲涉遠道斗酒斟酌之良似慰孤抱所悲
無定居依依若飛鳥願藉山中雲優游以終老

野人居爲陳則顏賦

江城有甲第樓閣高嵯峨朝騎駿馬出馳騁意氣多我
居田野中衡門掩藤蘿歲月不易得聊以保天和清風
起蘭芷明月揚素波琴書正可陳奈此閒靜何況茲桃
花村仙源入山阿山中有儔侶亦足同嘯歌

邀友人胡舜咨姚晉道劉庸道北郊夜坐

美人集江郊圓月湛秋夕天闌星宿繁地迴雞犬寂供
具雖不殷各取意所適抽辭託危匱燕坐更几席旣盡
遐邇懷復有新故益涼風激庭柯澄波照林石零露不
作寒層霄愈凝碧緬思江海內軒蓋相馳激酬酢過爲
歡友道諒匪得

送薛彥仁之京二首

夫君丈夫雄出處寧草草孤蹤抗浮雲貞心獻穹昊非
類徒見招榮名豈庸蚤松柏藉霜雪騏驥思遠道願言
持此心皦皦以終老

齊東野語

五四明叢書

約園刊本

其二

朝見故人家莫別衢路側意長乏交歡言短悲夙昔南
風促征艦迅若高鶩翼天吳不敢驕帖帖戾京國令子
起遐思中宵睇奎翼

答胡徵士

疇昔見君子往來山野閒野鳥不相忌山花澹相看彼
蒼今何爾獨俾落塵凡矧復曠言笑寤寐不自安天地
一居室萬里猶咫尺達人解天游出處隨所適所交或
相違何必懷惻惻颯爾精靈通終焉若金石

飲天游室夜大雨移席有作

炎歊尼歎宴露坐希夜長望舒闕金波屏翳決銀潢飛
廉亦馳驟萬馬集戰場孱姿或沮喪壯懷當激昂丈夫
幹化機晦晏寧我傷清醕既不置華燈豈辭張楚歌激
忠肝越吟思遠鄉卜晝固前聞夜飲詩所臧願言各盡
醉頃刻遠相望緬懷芙蓉洲池閣風雨涼遺音若金石
百載不能忘

題坦腹江亭圖

晴光耀叢芷涼飈激微波層雲汎林麓猿猱度煙蘿亭

春草齋集卷一

六四明叢書

繪圖刊本

中有粲者感慨亦河多疏襟獻蒼天天闕高嵯峨北轅
繆阡陌南州阻江河琅玕腹中富奈此遲莫何踟躕睠
魚雁悠悠泳春和江山百靈集憑虛一高歌

蔡節婦詩二首

開門見江水江上有青山青山易黃落江水易波瀾婦
心寂不移白首無覩顏衣藏錦文新鏡掩銅花斑惟憂
鳳一去母雛日飢寒

其二

奉姑憂戚中訓子識字初金鳳買姑藥繡麟易子書姑

沒子已長今當子孫娛朱萱隔疏箔翠竹森前除春酒
洽鄰母暮齒爲何如

中秋遲雲林先生不至越五日見訪有感二首

美人涉江水愛此鷗鷺閒參差各悵望江水渺波瀾蕭
蕭風日中藹藹松竹間天乎貸予時再晤良不難

其二

美人涉江水將以采芳草空筐非所思踟躕向周道豈
無江上花容華戾中抱白露秋已零其能棄衰槁

大生堂

香雪齋集卷一

七四明叢書

約園刊本

美人坐高堂階前春草碧朝陽煦游鮮晴風送飛翼出
門事瞻眺花開滿阡陌眾山亦前陳青青有佳色天地
何心哉生意靡休息吾有長桑術於焉媿茲德

過西山訪章願學鍾聲伯二隱者兼與同遊諸公

分韻得深字

冬雨久不作冰霜謝窮陰予因積遐思於焉事追尋西
山數君子幽居託雲林岡巒負城郭在樂不在深旨酒
罄良覲嘉言諧素心巖花照紋楸松風墮鳴琴詎謂兵
革餘得以疏煩襟人生易凋謝何時續斯今離別奚足

歎願言懷德音

題江閣燕坐圖

青山凝微靄澄江耀晴空層坡積餘潤綠樹披清風彼
美衣冠者燕坐江閣中手持高士傳目送歸飛鴻天朝
羅俊髦巖穴何畚容吾知松關路未啓白雲封

石龍人日山行二首

坡坂屢崇卑上馬復下馬老懷雖云壯奈此筋力寡解
鞍憩繁陰紆鬱聊自寫所造無仙凡所思何取舍蒼藤
綴流蘇鳴禽詠風雅白雲自西來故作忘形者

其二

晨興趣歸馬中塗山雨傾薄言避村舍道遠復紆榮林
密不能蓋衣濕強前征雲氣益昏翳潦水益縱橫得非
山靈意留予臥山庭似此庶不惡悠哉有餘情

力農三詩

家貧無土田未嘗操耒耜父母令讀書但事□□□今
當爲老農何堪卽任此學之良不難所恨吾□□

其三

黎明驅牛出日暮荷鋤歸土荒三十載往返無舊蹊荆

棘刺兩脛草根固深泥不辭筋力倦但恐官事違

其三

日出事輪作先日聽新令黽勉田野中奈此草萊盛鋤
墾知土脈耕牧識牛性夕歸還讀書聊以俟天命

徐梅澗先生授子琴子寫曲調之意賦詩九章

修禊

春風播良時品彙齊化鈞崇山鳴眾羽清流濯纖鱗詠
鴈託修禊俛仰懷昔人寂焉千載事傷哉百年身令德
苟不著修短何足云

春草齋集卷一

九四明叢書

約園刊本

忘機

達人解天弢處世聊復爾朋友相徵逐親戚自悲喜聽
禽坐春風觀魚俯秋水閒雲無定姿虛舟隨所止俛仰
天地間謾設清風起

碧桃

琳宮闕白日瑤臺接青冥雲旗自飄飄陰風自泠泠鸞
鶴杳無影佩環寂無聲高崖碧桃花澹然獻春榮惟待
王子晉繁陰坐吹笙

澤畔

上征天無風遠遊橐無金種蘭蘭不芳行吟向江溥源
父曠達者庶幾知我心鶴鳴子不和徒然有哀音踟躕
當奈何湘水清且深

瀟湘水雲

英英水上雲乃在瀟湘閒潮隨江風出暮逐江風還盤
旋復縹緲遙連九疑山重瞳不可見但見江竹斑明月
照洲渚於焉發長歎

玉樹臨風

皎皎庭前樹溫溫如綠玉春風發欣榮春雨爲膏沐橘

香齋集卷一

十四明發書

約園刊本

華淨相妍瑤草紛相屬豈非方壺中光彩同燁煜鳳鳥
何從來睥睨下朝旭

皎月

鏡照在尋丈水鑑纔尺咫團團中天月六合光芒裏纖
毫不可遺形影隨所以自非太陰精何能得如此終古
凜清徹雲翳徒爲爾

白雪

皇天厭凡汙縞素節下土清光辟同邪嚴威折強禦初
飛陋瓊華旣積羞鶴羽一塵苟相千萬目斯共覩吁嗟

窮陰中玄機孰能杜

春江

長江互荆揚悠哉復悠哉巴山春雪消騰薄聲如雷牛
馬不可辯鼉鼉敢徘徊雄風挾長浪雲氣何從來歎焉
戰神龍浩蕩凌氛埃

送丘文湜之西涼

清華山人三子讀書者操筆起雲煙何曾識戎馬父
昔守韶州被謫西涼戍十年事弓刀風沙走邊路去年
寄書歸身老無膂力爾卽代父行甘心入軍籍朔風天

卷一

十一四明叢書

約園刊本

正寒一去萬里餘讀書知有父何必守故廬未得父書
時大兄備點兵父老不得力母別赴南京爾去無六親
父子兩相倚大兄妻爲炊母僅託少弟父子共四人三
人在行伍天上一團月照見三處苦爾孝感天地豈久
行伍閒飛騰入霄漢何能不東還

寄友胡舜咨九首

獨客春江上懷人清夜闌昔日錢塘月今夕照靈山吾
恐靈山飛送君西湖灣

其二

我有絃上音寄君託清風一曲逸高懷於以寫幽衷明月在流水閒雲飛碧空

其三

我有窗前草采采持贈君君心一何苦答以山中雲片片有五色盞盞如錦紋

其四

鴛鴦好文彩悠悠汎清漪清漪照見影自喜還自悲不敢高飛去鷹鷂滿天飛

其五

香奩集卷一

十二四明叢書
約園刊本

清風鳴樹閒涼月照東壁我有同心人朗朗讀周易當問庖犧氏一畫何從得

其六

山中何所有文書可數車一月不出戶窗前落松花草玄云已畢傳者有侯芭

其七

昨夜有吉夢共君空中行旣見鳳凰出又見黃河清黃河洗雙耳坐聽鳳凰鳴

其八

君不能試劍我不能馳馬干戈正如此於何慰天下但願天衢通獻策如董賈

其九

古人重結交偃蹇百年間對面不爲歡遠人力追攀咄咄何爲爾知心良獨難

爲貴朽石法師賦竹窗詩

種竹窗乃幽窗幽竹逾好孚甲炯外揚空虛默中抱疏櫺午陰繁短枕秋聲早值者豈不多契茲良獨少多福闌玄機香山發天藻金石誰再宣琅玕自相保兀者今在斯於焉將遠紹亦嘗戾江皋觀我庭前草

春草雜言

卷一
十三四明叢書

約園刊本

春草雜言五首

驅車陟太行中道車輪折挽舟遡河流中流縷糜絕前途鬱漫漫徬徨欲還歸積雪被長坂洪濤蕩寒暉胡不戒未然閩中慎所之徒懷百年志自貽千里悲借令無頓躡豈念出門非且將詬徒御贏糧一何遲

其二

荆棘開好花娟媚耀芳春羅生及周道未嘗罹斧斤斧斤或相加芒刺反傷人朔雪貸其死后土固其根人力

媿孱弱天地胡不仁崇岡有松柏日日摧爲薪

其三

中郎歎知己江夏殺所依愛憎生逆順良竊繆是非不
愛漢室仆乃爲董卓悲不憤奸雄術乃謫爾衡譏傷哉
英傑士終爲識者嗤

其四

饑不食虎肉寢不處虎皮皮非不煖虎肉非不肥本
受惡氣生逸與正氣違奈何五行秀乃與惡相隨胡不
觀鳳鳥猶能慎羽儀朝選竹實餐暮擇梧桐棲

卷一

十四四明叢書

約園刊本

其五

聞人訪聞人彼此無相疑聞人不相容皇皇欲何之我
欲訪白雲白雲無定期我欲訪野鶴野鶴身高飛歸來
看長松青青有餘滋

山居雜言二首

登山採薇蕨薇蕨正柔止朝行白雲中暮行清風裏
之充我腸其味淡而美山翁笑相謂子計殊晚矣

其二

美人天一方欲往不得早落日近崦嵫於何從遠道矯

首向天宇踟躕蔓草聊以待明發勿復傷懷抱

送劉庸道之京

美人弄秋水照映冰雪容雲巾紫霞珮合在蓬萊宮蘭
舟桂爲楫泛泛清江中今日西飛燕明日南飛鴻三山
有仙客綠髮顏如童期爾乘白鳳縹緲翔天風

東山燕集

東山足游眺燕客開軒窗巖冠粲新製綠酒澄春缸登
高各能賦悠悠見西江朗懷發高詠逸思凌鴻龐睠茲
典墳在昆弟才彥雙還歸愜幽意信哉歌樂邦

齊東野語

卷一

十五四明叢書

約園刊本

送舒汝臨參軍秋滿歸

舒文靖公後舒沈袁
楊爲吾鄉四先哲

吾鄉四先哲日星炳層空予心竊慕之繆窺文元公亦
復友其孫幽探日從容其孫守故邱欲以纘宗風夫君
文靖裔嗣服尤顯庸萬里辭京國一官佐元戎予嘗拜
顏色未言意先同今茲解綬歸重見將焉從踟躕無以
贈耿耿獻深衷嘗聞古賢士中葉墜厥宗或入念遺胤
徧訪樵牧中君材旣翹楚此道必再隆官高固爲榮年
邁良可恫願言擴先志益俾垂無窮

送無作禪師住保福院

憶昔東皋上子嘗扣巖扃脩修竹下宴坐挹高濤正
見獨一翁孤標凜寒冰嘉言罄前哲四坐不厭聽予時
方好修數數往親承開門見顏色藹然喜氣盈風塵三
十載死生隔幽明每與公言此默默想儀型公今大梅
去又復感中情翁嘗此中住靈蹤杳冥冥

送趙以衡歸錢塘三首

陟遠駕輶車汲深引修綆君子躋撫仕秉德在思永興
言贊皇猷豈徒事馳騁波流正云橫舟楫當自整學古
資未能算事求內靜毋爲負朱顏悠悠送清景

其二

竭力藝黍稷服賈牽車牛上堂奉甘脆二親何所憂辛
勤以干祿亦復爲親謀盡歡固無異寵榮非遽求朝昏
食君賜鼎俎天光浮所貴保名爵不貽黃髮羞

其三

性醇而讀書黃流在玉瓊孰云流俗中氣質類浮淺予
方顧徘徊結交傷偃蹇得子良慰心奈此歲月晚迹曠
心愈親意長言益短願言采芳馨贈之託修遠

自然齋詩爲周原夫作五首

廿載遊江海拂衣歸故宅故舊半凋零存者頭已白相見雖可悲亦足慰寥落有酒各招邀慷慨談夙昔

其二

丈夫志勲業豈不事一官追封親以榮樹德民以安道路阻且修於焉息邱園矯首睇白日白日在雲端

其三

司晨促天曙攬衣步前庭粲粲幽花發靡靡春草青鉤簾近清旭焚香讀義經門外有賓客欣然出相迎

其四

春暈齋集卷一

十七四明叢書
約靈刊本

明月照東榮燕坐方自怡神清未欲寢款款訓佳兒勿待金馬詔且誦石魚詩

石魚山在慈谿西郊慈湖先生舊居有詩原夫嘗看慈湖書院

因之思厥祖高風播濂溪

其五

今日憺無事薄言疏我襟清躡山梁煩歎憩松陰魚游湖水靜鳥啼崖谷深朋友相邀坐行行論此心

松軒

種松不在直種松不在多種多人易之種直尋斧柯開軒比幽貞歲月忽已老美人招不來於何寫中抱刁刁

松上風蕭蕭濯靈襟皎皎松上月悠悠照鳴琴

重過東山分韻得嘉字

燈張酌春酒酒盡情益加歲暮百事集在道不在他昨
日冰霜中風揭道上車我以隔歲別重來望雲霞修竹
散繁陰猗蘭茁新芽各保歲寒意嗟嗟良可嘉登高斥
卑陋飲清滌汗邪箴言復深夜中心永無遐

野庵爲姜敬章監丞賦

敬章在田野時嘗夢天
敕野歸四字故詩及之

樓船遡長江夾轂馳廣道君子田野中悠悠懷中抱前
除列佳木其陰雜芳草亦有溪上山青青爲之好吉夢

香車齋集

卷一

十八四明叢書

約園刊本

良可徵將以託終老白璧匪淪匿彤庭藉華纒庶免栖
故林徒焉寄枯槁歸哉豈無期所愧在先兆天恩固云
深令德當自保

讀書樓爲天台張隱士賦

仙山積層翠瑤臺薄青冥雲梯白麟下天柱青鸞鳴中
有泊然者栖居讀遺經仙人好樓居無乃食玉英交疏
納朝采陰風肅泠泠託此遊聖涯諒以終餘生天子五
雲內羣髦粲盈庭仙姿重圭璧束帛當見徵霞居越霄
漢先後森百靈辭抽夙所祕賡歌答休明遐思古仙山

何哉爲重輕

槃隱爲沈子俊賦

昔者清遐翁栖遲慕盤谷
翛然桐葉側悠哉石魚麓
綺疏延白雲迴溪汎朱旭
冥觀隘蓬瀛幽期託松菊
日與文元公微言吐清馥
高風邈難追百載有遺躅
琴書信可娛眈釣聊自足
故扁重揭之餘芳願私淑
出處固靡常持身諒金玉

晚年病目詩七首

予心好讀書四庫未嘗闕
予心好修辭操觚未嘗輟
夫

琴堂齋集 卷一

十九 四明叢書

約園刊本

何阻前期浮雲蔽明月
翻思樵牧徒默默心自悅

其二

我常憶雷琴一去難再得
目暗不能彈今亦不復惜
以茲悟外物昔以有見惑
何如飲美酒庶以慰朝夕

其三

予學二王書常在少壯日
終年應人求遲腕不停筆
茲以目病辭方始得就逸
書以大道言何足盡稱述

其四

古人能戰爭空存身後名
何況事棋局徒然起心兵
余

生頗好弈每被君子輕目暗不能爾心中始和平

其五

濁境人所惡清境人所懼懼惡感於境正謂雙目昏病日與境接不以清濁分譬居渾沌內何者爲乾坤

其六

庭外有青草正是自家意今因雙目病復悟草之外意原不在草草亦不在視萬事奚可言風月皓無際

其七

左氏云喪明昭明亦復爾二人至修姱佳名播于祀喪

卷一

二十四明叢書

約園刊本

明予似之功業胡能比蝕月還耿光著述猶可擬

集杏花下

融風蕩春和芳葩粲當戶簇簇輕紅繁拂拂微馨吐佳時集羣英崇光汎尊俎興懷答春陽豈緣惜媚嫵素梅隕飄風天桃墮露雨良會不可期盡樂飲此醕

古詩四首之一

據列朝詩集補入

女蘿依松柏松柏不可依巨幹遭翦伐修蔓珍無遺女蘿當奈何無依乃其宜盤旋大化中春榮秋自萎升高豈不好天折亦足悲

家振案列朝詩集選先生詩有古詩四首谿上詩
輯同其第二首已見春草雜言五首中第三第四
兩首見病中興感因成七詩寄蒲庵老禪七
首中惟第一首是集及熊本皆闕今補之
吳節婦 據列朝詩集補入

憶昔嫁君時贈我白羅幌君歿悅猶存拭我泣君汨汨
盡悅不爛長留篋中看并州有剪刀誰能剪一半將心
比羅幌皎皎如素絲素絲可以染妾心終不移

春草齋集卷二

詩之二

明慈谿烏斯道繼善撰

七言古詩 樂府附

十洲小艇歌爲張彥密賦

木蘭爲舟檜爲楫滄海鏡平雲貼貼五色珠光耀晴水
倏忽往來三萬里偶見琴高相與遊琴高引路登十洲
青天白日不肯暮此身但覺壺中秋我昔所思遊岱宗
顛崖恐墮羊角風西躡天梯華山頂見說希夷呼不醒
南荒亦欲尋五羊五羊化石春草長何似十洲東海上

春草齋集卷二

一四明叢書

約園刊本

紺宇琳宮屹相向僊人啗我養神之青童出獻紫霞衣
麟馭香車拂瑤草鳳舞瓊臺凌綵霓歸來醉臥舟櫂閒
十年一息清夢闌不比天台再無路桃花空放劉郎還
有客相尋問生事未信於今薄人世回頭大笑語旁人
指點吾舟在平地

胡宗器使汾陽得韓幹畫馬石刻歸以見贈作歌

遺之

胡君贈我韓幹馬一匹乃是汾陽舊傳刻雄姿逸態嗟
奪眞眞馬見之俱辟易奔雷翻電不可見更有綠蛇兼

紫燕此馬玄黃固難辯口出玄中亦堪羨當時學得曹
將軍筆有書法氣有神顧影徘徊未超越眼中恍惚如
流雲一俟倦坐困方偃一俟裏脛曲未伸彷彿關頭雨
新霽滿郊苜蓿涵青春胡君曾度太行去畫裏龍媒忽
相遇涓人不用干黃金自覺駑駘世無數出入空騎驛
中馬挾此東歸愜幽懷座間披覽風爲鳴記得汾陽舊
游處汾陽正有郭相家恐是郭家獅子花千年相業尙
不泯馬圖豈忍沈泥沙我今得此重歎息生者似今那
復得信知房精在神駿形影空爲人愛惜

大雅歌爲冷起敬先生

先生名謙元至
正十五年作

冷先生鼓大雅烏生聽之雙淚下雙檜堂前良夜深霜
華照月發好音太羹玄酒忽在御無懷葛天殊慰心一
彈明月不復動再彈颯颯風吹襟林神警縮眞幸泣江
流噴激蒼龍吟眾客方鼓舞烏生淚汎瀾烏生所思在
古道耿耿不寐燈影寒周室東遷黍離作桑閒勝似鈞
天樂乾坤莽莽千餘年誰把深心寄絃索冷先生鼓大
雅適不遭其時十載風塵暗關塞滿城戎馬苦亂離吳
山深處一茅宇五絃獨對天門揮天門蕩蕩隔滄海

上干戈故相待片帆欲發空歸來只有宮商袖中在兩
鬢蕭蕭意惘然又將歸住吳山巖人生萬事多齟齬幾
時得似羲皇前冷先生鼓大雅且弗生憤惋憤惋心不
和憤惋思不遠只今驛騎西山通此調可獻明光宮聲
音之感疾如影聖心卽使超鴻濛一人倡子萬人和天
下盡荷雍熙風烏生有淚不復灑融融洩洩無聲中

寶鏡篇

楊家寶鏡雕匣藏玄錫白旃發好光夜月團團絕纖翳
秋潭炯炯生寒芒當時精金曾百鍊背紋鑄出雙鳳凰

香齋集卷二

二

四明叢書
約園刊本

鳳凰聯輝碧玉裏二雛鼓翼同翱翔厭勝回文蟲篆小
帶葉疏花合昏曉細如洮石紅如沙幾世傳來得稱寶
中有文龜竅竅深綵絲作線結同心楊婦晨粧照顏色
要見兩鬢霜雪侵不期落地竟摧折鳳碎鸞孤圓半缺
從此晨粧不復施坐對青燈自嗚咽只今已老白髮垂
終不取鏡重鑄之留與楊家作明鑑半鏡只此團圓時

山齋歌爲義興吳公選作

平生好事偏好山山齋寂寂山人閒馳瓌騁異疊層玉
蓬萊忽在軒盈閭銅棺戔戔欲飛起日射寒光翠如洗

香蘭轉首招紫雲左右低昂若兄弟洞庭之山浮具區
東西對峙如雙鳧下山馬脊浪中出蕭蕭竹樹茅檐孤
偶憶仙人有遺跡與入松蘿幾雙屐巖前笑看黃精花
洞口高眠白雲石下山獨泛秋風船霜林削橘呼老仙
不願長生授丹訣蕭散卽是壺中天山上神仙知此意
故遣山靈獻佳致紫煙回伏掛高崖舞鶴翩翩到平地
天池石壁飛懸流人參化人松下遊絃管齊鳴青鳥過
虹蜺一道丹光浮山人曾挹紫薇露南北輶車走煙霧
功名倏視如塵塵投簪竟入山中去清風吹滿山人家
山人手煎陽羨茶詩成不復寄人世援琴一鼓飛雲霞
山人山人信幽獨我欲相隨臥空谷何當先爲采松花
石廩贍儲三百斛

題胡仲厚所畫山水圖

胡隱君畫山水僮筆俱勻世無比平生出入范華原范
有聲名抗關李亂山壁立氣勢雄盤礴造化搏空濛我
走江南不可見無乃嵩華煙雲中況有層巒積飛雪萬
丈寒光耀天闕正似玉龍天上來虎豹出林肝膽裂河
流橫絕水成梁關門陰陰道路長谷口桃花舊開處藤

蘿古屋煙蒼蒼東崦琳宮炫樓閣中有神仙稅黃鶴鳳
笙麟脯醉瓊漿靜看松殿起寥廓遠山隔水何冥冥放
游不得呼山靈但見輕雲過山去雲邊一點芙蓉青隱
君今老矣揮酒已絕筆好事得盈尺重之如異物朱君
對此酌春酒興入高深不論斗呼我共醉山水間古今
消凝一首

白雲歌送孫子章歸天台省覲

天台山上白雲飛素光零亂如白衣朝飛不離蒼蘚石
暮飛掛在青松枝昨夜白雲入我夢月滿寒溪水如汞

春草齋集卷二

五四明藏書

約圖刊本

老鶴孤鳴子和之夢斷中宵忽心痛我欲招白雲白雲
不肯來白雲白雲使我心悠哉眼望白雲清曉立歸心
勝似雲飛急三年不走天台山今擬穿雲毳衣濕尋常
白雲長滿山他人注目如等閒吁嗟萬事不我好我心
獨與雲相關桃花洞口青春好不逐山人拾瑤草朝朝
暮暮白雲中把酒高歌對穹昊

秋巖將軍歌

秋巖將軍身姓韓恐是齊王之子孫不然胡爲習戰鬪
雄材傑出千人軍目光流電氣衝雲錦裘繡帽七尺身

上馬揮戈日退舍下馬論事霜逼人南州封狐口飛火
將軍三箭疊奏勳東海短狐毒人影將軍舳艫突其羣
壯哉虜將有如此可作金城衛天子風雲浩蕩天萬里
回首虎賁無猛士今歲來爲四明客明人見之俱辟易
麾斥部伍歸故壁前後旌旗半天黑我詫將軍立踟躕
神游千載究且圖古來驍將文武俱至仁或與天爲徒
將軍將軍必見天子呼訓練之暇多讀書

賦得吳王避暑宮陶侃讀書堂二詩送丁鶴年夏

日歸武昌

春草齋集 卷二

六四明叢書

約園刊本

章華之臺浮雲空繁華又到吳王宮西山煙光照林麓
南浦雲氣隨蛟龍瑤殿金扉倚虛曠象牀玉几生雄風
忽然夢入紫微內綃衣霧濕天香中夢醒芙蓉日亭午
但知六月不知暑侍臣不敢催轡輿輦路光飛洒塵雨
當時銅雀凌漳河錦城雪影搖岷峨天下蒼生苦埃鬱
三處較涼誰最多東下長江二千里樓閣高連冶城起
豈知炎熱正如焚鼎沸難容一杯水初憂未破曹劉牆
再欲食魚還武昌回首寒溪舊遊處煙草淒淒畊牧場
君今歸去訪遺跡自古興亡休歎息有酒可獻重瞳墳

南望九疑纔咫尺

十年陶侃讀書堂故老相傳在武昌九曲亭前入雲路
寒溪下接江流長劍池龍去日色薄梅偃層崖幾開落
書堂爲寺寺還荒惟有青山度黃鶴當日讀書清夜深
至今遺響聞空林千里旌旗八州牧都在分陰辛辛苦
君沂長江忽歸去政是英雄讀書處百靈奔走護先王
就近茅堂倚高樹平生讀書才氣多要回落日揮長戈
蒼天不借丈夫力鬢霜獨奈秋風何且訪雲閒入林下
依舊從容詠風雅古今窮達貴同風莫媿前人面如楮

卷二

七四明放書

約園

吳王都武昌去武昌數里許西山之麓建避暑宮前而南浦九疑山上隔一湖宮側有洗劍池上有九曲亭而上一里所有寒溪寒溪之上有陶侃讀書堂山上有樓後侃討海賊得銅鑄觀音於沙上奉於書堂就捨書堂爲寺今寺亦廢爲鴉年先大夫邱雁鶴年廬於其側

清眺歌爲屠隱君

景定橋東地迂僻百尺層樓寄寥闕我欲登眺風日清
遙見羣山際天碧西山積澗岡阜多斷而復起如金鵝
金鵝飛入大梅去太白數點低雲蘿水出迴溪瀉三峽
分作支流更回合晴波耀日日倒懸龍奪明珠動鱗甲
桃花隔水春冥冥漁郎夢醒扁舟輕杜若蘼蕪翠煙淡

鵝鴟飛去雍渠鳴白雲窈窕山中來渚涯倏忽成樓臺
風收雨散四郊靜眼中一片青天開中有仙人半銜醉
喚得孤鸞落天外騎鸞時復遊紫京夾道花香襲環珮
仙人自昔好樸居此非圓嶠爲方壺回首人間暗塵土
蟻垤自以爲仙都我聞江湖好山水曾託秋風過彭蠡
千里歸來空自憐靈境勝區那得此仙人有酒春滿缸
夜遊子晉吹玉笙朝朝不放下樓去朱顏直要凋三光

送任雲翰歸省

青衫從事南來久公館煩憂託杯酒風吹酒醒憂不除

春事齋集卷二

八四明叢書

約園刊本

復泛扁舟訪良友江上茅齋春草深蒼頭抱琴來見尋
手弄秋風未終曲推琴且說南來心京國官事須給餉
故遣星馳促藩將三年坐守姑蘇城藩將愆期只驕橫
翩然拂袖天上歸鄞江日望雲帆飛回首姑蘇暗鋒鏑
至今未解西兵圍世事浮雲易翻覆昔日還征命當復
歲月悠悠無奈何猶仗冰絃寫幽獨況有慈親倚門待
指點吾兒在東海菽水雖微難盡歡鶴髮垂垂幾時在
此言落耳何慨慷此心可以明穹蒼不失平生讀書志
青天萬里終高翔我送君行耿胸臆安得承平似曠昔

擬將北上獻忠肝幾度出門行不得天子安居在豔錦
獨倚中原致天討君見總戎當苦言竹破江南事須早

開元老柏行

開元老柏鄞城東平地有此謫下龍黃腸腐爛腹空空
五石之尊亦可容一面天然戶開闢四圍日透窗玲瓏
瘦骨已見黑如鐵直柯豈有青於銅昔日盤盤九天上
十畝繁陰散春浪四山雲起接蜿蜒萬里天風翼清壯
不知今日帶淒涼禿短竟如髡斬狀兩枝獨秀何凌兢
元氣不減千年青密葉偏承雨露澤寸心默荷天地情

春草齋集

卷一

九四明叢書

約園刊本

嗚呼朽質空好在
大器無成欲誰待
開元遺植到皇元
蕭然屢闕山河改
開元天子錦繡焚
五風十雨真好春
李花亂落子規叫
春夢悠悠空暮雲
青瓊舊物育何覓
幸有老柏至今存
我來相對坐良久
臨風默默思開元
只今四海天蕩蕩
一身苦無尺地安
何當就此啖芳烈
身生羽翼如口鸞
乘虛御風覽八極
東遊闔苑西崑崙
坐令鬼物駿奔走
雷雨後作移霜根
不種崑崙卽闔苑
終當伴我含清芬

海隄行

海上蜿蜒蟠玉龍雲柯迤邐衝蘭風睥睨煙雲俯深黝
葉侯建此千年功侯出成均倅茲土能爲蒼生閑斥鹵
古稱賢令謝與施可道今人不如古趨功蝟集鼙鼓聲
萬杵齊捷風雨鳴南山白石走東海鮫人夜泣靈鼈驚
從此風飈轉潮汐鬼嘖神奔奪天力人言水勇奈石堅
誰信侯心勝於石石隄未作先土隄洪濤每入田中飛
田舍沈淪杭稔死鹽花萬頃爭光輝鹹氣尋消舊田復
桑柘依然滿村綠清宵促織鳴寒蛩細雨催耕啼布穀
汝仇湖水清連天百川分注春風前花底人沽種田酒

春重齋集卷二

十四明叢書

約園刊本

籬根月照催租船隄上新祠高綽楔宮碑大字書年月
共來祭祀獻雞豚幸免浮生作魚鼈黃金世上山嵯峨
日月散人能幾何侯曩曾無一銖費姚江拍拍流恩波
世事年華倏忽改隄與侯名應長在海濱盡得如侯隄
那有桑田變滄海

紫翠丹房歌爲周伯高賦

松陵四圍天接水中有丹光夜分起燒丹者誰抱拙生
坐畝雲房石林底縹囊玉軸紛圖書清風適起燒丹餘
白日閒花落蛛網晏然獨坐青氍毹當時龍虎守深闕

好事何爲傳紫翠，每令人費買舟錢。日日來尋隱居地，
因聞昔日瑤池仙。寶鼎丹光飛上天，剡剡入雲如紫電。
英英照人兼翠煙，平生學仙心所羨。亦欲丹光成九轉，
等閒白骨埋蒿萊。不似紅顏生羽翰，宿火未消丹未出。
詔向神京試儒術，力言丹候尙須調。再願六藏歸一室，
我到鍾山偶相逢。鄉心未吐謀先同，亦有長生不死藥。
何當與子論成功。

醉歌行贈定海守禦江將軍

三年不見江將軍，離愁遠雜春山雲。今歲江城忽相見，

香齋集卷二

十一四明叢書

約園刊本

秋水還如舊時面，將軍昔隱徽山中。仗劍一起無英雄，
雲飛電走得真主。永新坐挹溪樓風，我在鄞江伴鷗鷺。
鷗鷺深憐髮垂素，不期遙聽石龍吟。又復栽花永新去，
咫尺偶同雲影閒。將軍正值弓刀閒，我雖官事日如壘。
有琴只爲將軍彈，星石光搖水西柳。相泉氣接天邊山，
東山松覆老僧榻。南華月浸仙人壇，每將俸米換春酒。
到處追歡不論斗，歡娛未盡相知心。鴻燕誰知各分首，
將軍超擢鄞江行。我被遷謫居濠梁，鄞江是我釣遊處。
我反不得歸故鄉，清流關上車折軸。揚子江中浪如屋，

音書阻絕可奈何毛骨無由化黃鶴昨荷天恩放歸里
再見將軍喜中喜曠達之士忘升沈酒醉清風復相似
鄞江娟娟照胸臆江上羣峯翠嵐滴汀鳥落花催往還
早暮揚舲信潮汐嗟哉我今空白頭將軍建立功名秋
只恐飛騰九霄去寸心千里還悠悠

陳中復先生所畫馬轉贈吳生好德

曹將軍能寫真南薰殿上數承恩千載有遺跡畫馬尤
絕倫陳先生最儒雅亦能寫真兼畫馬筆法妙入神諒
不在曹下近歲奉詔寫御容金門玉殿春融融適值房

香齋集

卷二

十二四明叢書

約圃刊本

精降沙苑佛郎所進當爭雄就敕丹青記祥瑞御前颯
爽來天風從此人閒不易得得之勝得真花驄昔年遺
我一紫燕正是蕃人遠來獻我藏篋底餘廿年王真君
夫豈曾見吳生讀書有遠志比似名駒復何異轉將此
畫持贈生要助天衢激昂氣吳生吳生意如何贈汝錦
段不足多生年正壯吾老矣他日乘肥莫忘此

白雲山房歌

何處茅堂對山結千古龍洲最清絕武山秀奪天東南
上有神仙擁珠闕金華玉華山更清亦有仙人吹玉笙

白雲騰薄捲秋浪晴窗不掩風泠泠堂前小徑石苔紫
堂後靈芝兔垂耳竹陰滿地生晝寒落盡松花落松子
堂中一榻擁青氈爲愛雲山長不眠茶竈只留花底石
酒壺或汲溪中泉陸走曾期訪天姥道上回風暗塵土
舟行曾約訪蓬萊海上驚濤撼檣櫓不如長日看武山
武山自是非人間昨日雲飛亂峯頂今日山腰散微影
畫圖遙憶米元暉自怡肯作陶弘景勒名招得劉職方
賦詩每同蕭與王俯仰乾坤割然嘯啼鳥一聲山日長
還聞種玉玉易長玉氣英英白雲上他年見璞莫自獻
只向茅堂挹瀟爽

惠墨歌

劉侯以墨見貽上有繼善堂三字偶同余字侯
亦詫焉索賦此詩

劉侯贈我龍劑墨廣踰一寸修減尺豹囊初解麝蜚香
麋膠已漫豎炫色庭珪骨朽內府空欲購空懸萬金直
此非庭珪亦自奇炯炯涎涎堪愛惜中間復有小隸文
卻將余字先題刻鍾離合在甕中書王叵偶登江上石
我方嬾屈守蓬蒿侯正鸞騰走南北浮雲萬事果何如

恰恰遭逢董溪側問侯此墨何從來更爲徘徊一追憶
昔年奉使湘潭中偶聽松閒杵聲急青女三五擣玄霜
滿握芳馨喜分得太平天下忽干戈珍佩奚囊忍拋擲
幾番回首望湖南大半蒼生死鋒鏑千里無人風雨秋
舊日潭州今瓦礫墨工尋亦散如煙似此松煤更難覓
我聞侯言長太息再拜持歸重雙璧瞳瞳初日下簾櫳
謾謾涼風吹几席正襟端坐興如泉旋取蟾蜍瀉餘瀝
雲浮鐵硯紫光寒字學銀鈎漆漿滴墨雖可盡心無窮
媿乏瓊瑤報侯德願侯北上扶飛龍願侯西征除毒螫

謫材不比陳壽徒定當作傳昭殊績揮毫瀋墨細研磨
蠶尾蠅頭書一冊

雲山圖歌

雲山雲山一何好日夜無端入孤抱平生性僻愛雲山
豈知卻被雲山惱昔往闕湖煙水東一行一坐青山中
青山起伏春藹藹白雲吞吐天空空尋復扁舟泛吳越
吳越青山更清絕聯聯翩翩接荆楚千里白雲如噴雪
只今置身城市閒可憐舉眼無青山琴撫歸樵碧窗靜
歌詠紫芝清夜闌安得便攜妻子去入山竟作山中住

縱然賓客遠相過山宵雲深不知處自念少時貪讀書
壯年立志卑唐虞半世未明周孔學九重空望夔龍趨
短劍雖曾鑄頑礦蒯侯零落塵埃冷忍聞天下暗旌旗
耕莘釣磻向何境仰天俯地徒爾爲與世低昂心轉迷
幾回對飯不能食慨然只起雲山思城中隱君胡仲厚
酌酒論詩十年友經書不獨滿胸中畫作何曾在人後
知我已是山中人先爲畫山兼畫雲晴天倒飛秋海浪
浪中亂疊蒼龍鱗中有喬木結層綠長梢半掩溪邊屋
兔跡鳥道隔重巒正好開門枕寒玉我得此圖良慰心
但覺雲山思愈深他日能償結茅願可無仲厚來相尋
袖拂白雲相對坐坐久喑然吾喪我此時不復有雲山
山鳥自啼花自墮

王山人桃花牛歌

王山人王山人天地之間六尺身身著短布袍頭戴折
角巾倒騎桃花牛日日弄晴雲昨日我向桃源去去覓
山人結茅處山人正騎桃花牛不下牛來笑不休牛身
乾淨白於雪亂點餘花噴猩血愛騎不是王山人一生
空與尋常別王山人王山人爾如何昔年曾走燕山道

五花駿馬金盤馳今歲騎牛行犖確畢竟胸中有真樂
氣吞百萬五陵兒始可騎牛作狂客王山人王山人更
辨烏鹽角高吹紫芝曲五湖四海春茫茫桃源市上干
山綠

醉歌行贈夏叔幹

昨日江上沙東頭漲起西頭倒今日江上沙西頭漸高
東頭少子少我方壯子壯我衰老氣義還如舊時好我
昔南回凌瘴煙惡風掀簸西江船歸來無處采薇蕨自
向江頭弄明月隔江美人招我游白沙翠竹明月舟天

蘇東坡集卷二

十六四明叢書

約園刊本

風瀟瀟落寒水一去便爲三日留回頭看人世人世可
長歎贈人不有錦繡段誰肯報之青玉案子獨愛我春
草青我獨愛子雙眼明凹鏡那知玉顏好急絃始見枯
桐清莫信飛鴻書可寄莫信盟鷗不相棄不如澆蜜向
餉中到底甘甜復聯綴子有酒浮玉缸我有詩充錦囊
我醉子酒子歌我詩詩餘酒醉春陽熙熙醉裏乾坤漫
顛倒梨花亂發流鶯啼鶯啼不須歇梨花不須落古道
千年只如昨

贈楊允銘小篆歌

史籀大篆李斯變變爲小篆今獨傳繹山秦望石皆裂
餘者散失如飄煙詛楚之文大相似先出李斯三百年
李斯無乃踵其武體同畫異難後先後傳八體亦有篆
雕蟲何由得傳遠漢武書師蚘凡骨曹喜李朝探御鸞
徐鉉丞之非不佳形質僅堪稱崎區同時作者豈無人
欲得美名何偃蹇元初最數松雪翁白野亦可追其蹤
鄱陽伯溫用心苦錢塘益思無限功四明文運代不泯
學字亦有前賢風三代鼎彝俱在目楊生晚出參其中
楊生深用李斯力能使筆鋒歸正直清圓瘦硬玉削成

春臺齋集

卷二

十七 四明鐵書

約園刊本

每逢好事留其蹟人心正喜趨末流誰將曠古淵源求
儻使淳風追前代楊生亦足裨皇猷

題劉商觀弈圖

洞中隱隱鳴玉杵洞口泠泠滴鍾乳何物山人雲滿身
目有神光面如女口談天地覺支離託意手談無是非
力守中虛得玄牝掃除邊幅窺玄機一破有真樂
黑白不令雙眼迷高駕飛龍游恍惚緩騎日月無東西
尋復退征覽八極金井垂蓮獻佳色秦關趙壁任相持
我道紛然爭不得山中雲路何時通採樵突入蒼髯翁

倚徙旁觀如啖蔗骨毛漸漸生清風下界兒孫已成鬼
更爲從容看孤子大浸稽天金石流出入縱橫不曾死
斧柯爛盡斧有靈直使再三窮杳冥儻自蒼茫下山去
白頭老叟何足驚大唐畫工觀察使寄興雲霞知此意
霜紈筆法似輕霏散作涼颺激人世

空青歌爲臨江何九思賦

九思得空青以古罇釭盛水浸之郡人彭聲之
僧文公首成短歌予亦同賦

噫吁戲吾聞地不愛寶胡爲乎空青土中少五金生處

春草齋集卷二

庚四明叢書

約園刊本

方有之鬼禁神呵闕深窅水漿如汞石殼黃殼如桃核
含水漿石團金氣瀝爲液碧色湛湛冰雪涼它器收藏
卽消散以沙錐石纒取漿取漿一滴療昏眚白月食旣
還耿光石孕精華幾千歲白璧明珠豈爲貴神農未必
知有靈誰啓玄關救人世玉山峩峩雲樹深何君得此
良苦心罇釭盛水浸寒玉幾人欲售空持金噫吁戲世
上之人云有目白日猶如夜無燭后土何不令空青出
土泥沙然大使何君療人雙目全

宋生代兄從軍行

昨日點兵兄起別弟代兄行氣吞鐵寶方颯颯生陰風
直到淮河蹴冰雪木蘭女兒代父行弟爲丈夫不代兄
丈夫能盡骨肉情萬里之外如戶庭兄但晏眠莫愛弟
淮流近接蛟門水明年五月見茶船先寄官倉月支米
官倉月米拜天恩未必長爲識字軍年年射雁得兄信
勝似參商同一門

石塘舊隱歌爲泰和蕭文學賦

我聞石塘山水好溪浸冰壺四山繞上山回首望前山
更有三華似三島人家簇簇如桃源不餐松柏身自僊

春草齋集

卷一

十九四明叢書
約園刊本

耕山百畝燒野火鑿池半頃通溪泉君家有書常滿屋
讀盡遺聽子孫讀石塘簾捲隔溪雲前後清陰散松竹
每逢佳節酒筵開只與鄰翁相往來昨日尋花入林去
今日採藥緣山回早語兒郎納租稅莫召喧呼打門吏
年年如此不出山遮莫漁郎引人至

題江村漁話圖

青山玉立暮煙紫雁雁低飛落秋水樹頭斜日照寒沙
船杙寒潮兩相倚老翁共言知若何定言江上有風波
乘潮撒網得魚少入市賣魚錢不多昨日螺蚌網中得

中有明珠人不識我無所用還老龍醉起推篷四天碧
見說山中多蕨薇采而食之無是非雖是無魚換村酒
也好尋仙看弈棋我觀此畫倚江閣耿耿無言山日落
何當走訪眞老漁添我船頭共盤礴

屈海童歌

九月淒風振衰柳偶向村家沽美酒酒邊有客屈海童
裳不掩脛衣見肘平生素解歌北詞爲歌蘇武牧羊詩
歌聲激烈出金石餘音不斷繁柔絲座上才郎舊相識
指點海童談夙昔海童本是關中人東走錢塘寄蹤跡

春暈齋集

二十四明齋書

約園刊本

青樓一曲繞行雲脫贈錦袍無所惜自傷誤入風塵中
遠謝花衢貴遊客金銀覆地招不來勢饒熏天呼不得
青紅羅綺長滿身街頭美味日買新誰知世事不可料
來作濛梁輪作人只今願歌人不聽一飯與之歌數聲
忽憶錢塘舊風景欲去復止涕泗零我聞此語感中抱
花落汗衝不如草世間多少負奇才生不逢時亦枯槁

長平戈頭歎

降虜之戈輿人關千年尙落泥沙閒腥鐵陰生紫花出
血痕半蝕朱砂斑驚看故物爲磨洗似見風雲掌中起

風雲慘澹坑澱深冤氣浮沈鐵光裏當時揮戈期第一
一鼓能回魯陽日誰知括母空上書竟墮長陵銳頭術
遺鐵尺餘人共傳四十萬人誰見憐人骨煙消鐵無恙
流傳作鑑非皇天天下茫茫仗真宰格鬪何須血成海
長平道上有入行百勝秦兵豈長在

一笑軒爲指南禪師賦

一笑軒在何處遠在樂清之微靈山之岵山倚東溟鳳
飛舞禪師燕坐蒼荀林玉環墮地煙霞深螺光夜蜚明
月浦猿聲晝落清風岑綠筠江上碧天闊石梁下有蒼

春草集

卷二

二十四明徵書

約園刊本

龍吟雲鬢我我兩峯起雁蕩回頭似千里天台劉阮隔
松蘿虎嘯寒巖月如水金鵝玉几相鉤連古洞天垂四
窗底千峯飛繞五雲門禹穴沈沈石苔紫梅花傲兀西
湖春蘇隄煙草迷香塵細數經行總塵跡落花啼鳥空
憐人欲度蓬萊路非遠弱水無端忽清淺歸來故山尋
舊遊但見荆棘埋荒丘更復憑闌視千古海內分并幾
朝暮豪家貴戚趁風雲不直朝陽斂春霧才藝有人誇
第一獨恨長生苦無術學仙縱復三千年世上無過似
今日空林昨夜起秋風悄然目送歸飛鴻詩傾二畎不

可寫都付青天一笑中青天一笑知者少白日當空解

相照不如身世作虛空悟得拈花發微笑

禪師受經靈山玉環蓋其

鄉名也明月浦清風岑綠筠江龍吟橋皆靈山景也營住雁巖雙巖峯壽昌寺後遊天台明越蘇杭等郡復歸

山靈

題教子升天龍圖

大龍氣勢何奮疾小龍兩角猶繭栗黑雲上下風蕩潑
前顧後隨恐相失怪態迸發胡爲然乃是教子飛上天
天宇蕩蕩足蜿蜒下視魚鼈徒深淵我聞龍性自變化
若待教焉良可詫僧繇道子意太奇醉墨淋漓爲此畫
君不見葛陂杖雷澤梭倏忽妙用尙爾多真龍之子宜
如何

送督造海舟錢使君還錢塘

鑑湖五月風露涼玉人簸弄明月光陸離文采底相似
芙蓉下映雙鴛鴦尺咫題詩掖垣去綵筆香凝紫薇露
長風吹送到蓬萊又覓珊瑚海中樹勒馬催船雲滿袍
樓船坐見帆檣高食單初捲賀監宅歸心已渡錢塘潮
我昔東還臥荒甸江海才華半相見山陰只恐浮雲間
不見能詩玉人面玉人環珮風泠泠蔽山雨水空含悒

卽今天子愛文采春風殿上賦流鶯

贈都閩掾張彥剛

子房一進圯上履幃帳風雲掌中起遠孫彥剛冰玉壺
胸中亦有黃石書天子龍飛定天下談吐無由向戎馬
只今天下磐石安竟作河干伐檀者昨日括蒼天狗落
賊起黃礮徧林壑林壑入雲千萬重猿猱欲度猶錯愕
上挾罡風身有翼下挾妖狐走荆棘陰霾半掩平陽村
自謂飛來擒不得九重詔遣延安侯祥光一道東南浮
侯策奇勳見開國豈將大木論蜉蝣君始從容在幃帳

春草齋集卷二

三三四明叢書
約園刊本

手畫山川調虓將君言百丈西走門欲斷咽喉須百丈
後卽分兵從後攻果趨百丈遭前鋒等閒斬首風雨歇
凱旋未必君無功豹露一斑聊復爾海水淵淵誰見底
丈夫要作英雄人定有聲名動天子天子掄材政云急
瑤殿雲深看徵入莫將歸夢繞瓊花功業先從盛年立

翁婦行

永嘉翁子期娶婦僅兩月值兵亂婦被掠入何
將軍帳中至京師生二子後子期役於京師遍
乞食公侯家偶至何將軍宅婦聞鄉音問之正

子期也題詩一首詭以書託寄鄉中親故既而
何將軍察知之捕子期奏上上發其緘乃其妻
詩也爲憐而釋之

東甌兵亂夜深哭嫁郎兩月他家宿雙飛燕子在雕梁
何爲翻作野鴛鴦十年鳳城悲遠道暗惜花顏爲誰好
羽林將軍歡愛多其如離離鳴雁何劍戟門前日亭午
隔簾乞食驚甌語問之元是舊鸞交過眼雲收轉愁苦
將軍閨房錦繡林郎情自重千黃金援琴作曲向郎道
恨郎不識琴中心封詩寄人託郎去正寄與郎郎不悟
豈期先得動天顏花作丁香復如故已爲將軍留兩兒
將軍未必無好妻只恐清風嶺頭過血痕尙有空巖詩

金陵行送王廷助

揚都之區胡爲乎第一豫待千年聖人出天開地闢鬼
神驚萬里祥光中蕩潏波濤接天天塹成鍾山故作雲
錦屏三井岡頭煙樹清白下左顧琅琊城景陽武壯相
倚重中茅九華遙夾拱龍池氣薄長干祠玄武湖中斗
牛動紫薇宮闕天中央天門蕩蕩日重光聖人端居五
雲表手握乾符清八荒繡衣朝參萬馬集瑤階日轉干

花香四夷賓貢走珠玉蕭韶九成飛鳳凰太行西頭空
颯爽咸陽洛陽漫相望汴水東流知幾年自古金湯無
此壯五風十雨民熙熙總願觀光逐仙仗春風環珮動
香塵不覺飄飄紫雲上王郎王郎氣如雕鷲隘九州用
生羽翼非夢遊山中種玉玉已長正是持獻明堂秋

爲石龍吳簿寫竹併題

吳住嶺南橫浦

大庾嶺上梅花多勞我夢思無奈何昨日親從嶺頭過
梅花不見空煙蘿回頭嶺下有橫浦翠竹娟娟照窗戶
山雲不起清風來亂葉聯翩似飛舞橫浦揚塵曾幾年
獨有此君經歲寒況復春雷子孫長何人不爲停車看
我今陵水每追憶貌得疏枝慰寥闕不愁作伴無梅花
只保冰霜好顏色

丁孝子詩

據列朝詩集補入

丁鶴年精誠之心上達九天丁鶴年精誠之心下達九
泉先公會長武昌縣死葬山中扈兵變山中父老懷甘
棠修築堂封自相勸鶴年避亂東海頭年深道阻生煩
憂亂靖還尋武昌路泪痕滴滿先翁邱篋復改葬樊山
側不惟黃金換沙石此身尚在天地閒何事能令慰朝

夕卜日已定雨漫漫十日不止難下棺仰首呼天雨中
拜雨爲閣住陰雲端葬後倉皇下山去大雨依然大如
注是時送葬紛如雲祭奠爭趨墓邊路母困干戈生別
離兒大母死才得歸但聞母死葬村落問人葬地俱不
知村落蓬蒿暗黃土數月走尋心獨苦焚香祝母如有
靈爲報沈淪在何許夢中忽見別時容步上高臺言未
終牽衣慟哭自驚覺清晨起接鄰家翁翁言昨夜夢而
母親出房櫳贈樽酒夢間此夕精靈通早晚應當見枯
朽共披荆棘凌風霜平地有坎疑有藏酒飯陳詞勵深

香齋集

卷二

民四明叢書

約園刊本

土遺骸果見生輝光恐認他人心
脆脆齧血淋漓試枯骨枯骨通紅
知可徵一齒當門正如漆重整衣冠
新作墳遷葬母骨安母魂積恨誰知
滿胸臆烈風頓掃空中雲丁鶴年病
且癩何異常人七尺軀丁鶴年能讀
書何人不解探玄珠一片精誠獨如
此回首世人空有子

樂府

烏生八九子

烏生八九子飛鳴高樹巔少年從何
來中我泥彈丸我不能支叫呼蒼天
蒼天不聞摧我肺肝東林有梟西林

有鏡彈不加彼乃戕我命我命曾不如線之微我肉不足登鼎俎爾將奚爲蒼天蒼天我不能高飛但願浮雲載我東歸

公無渡河

公無渡河公無渡河公若渡河吾將奈何河水有懸流魚鼈不能居公力不如水乃爲鼈與魚河水勝鴟毒河水勝矛戟河伯不相邀胡云避不得吾聞狎於虎死於虎狎於水死於水公性揚揚急如駛河水一去不復回公今一去寧復起公不起自取之公兮公兮將怨誰

齊東野語卷一

二十七 四明叢書

約園刊本

烏夜啼

明月照庭樹淒風入重闌昨夜啞啞烏亂啼烏亂啼烏頭未白君未歸憶昔持絲線繡君雙鳳凰比妾百年心與君不相忘手中絲線君奪取袞衣有闕君欲補遺道一去今十年轉向濠梁作羈旅黃金用盡寄書來妾啼更比烏聲哀妾面曾因女孫笑君懷得爲何人閒願君清商託瑤琴夜夜寄我空中音願君珠玉傾錦箋時時寄我綠窗前

搖搖花

卽虞美人草一名寒食花

搖搖花花魂未還家花搖搖花魂未曾消昔爲脂粉顏
娟娟比花好今爲草上花依依向誰道項王氣力無與
比四面胡爲楚歌起騅之不逝將奈何寧惜花顏帳中
死花顏當日老深宮香玉消沈煙霧空不如化爲寒食
花一年一度開春風漢王宮闕亦何在回首山河幾番
改行人欲去還問花百媚春容更誰待

寡婦詞

浮萍爲妾身池水爲妾夫水深萍乃榮水乾萍乃枯夫
婿共鄉井妾心長自慰夫身遠行役妾顏爲顛顛顛顛
何足惜終勝生別離誰知竟死別妾身何所依酒未濕
殞土殞土無寸草屯吏籍姓名屯長催上道鄰婦拭我
淚兒女牽我裳行行問何之未知適何鄉死者呼不問
生者歎薄命賣我嫁時釵破我嫁時鏡破鏡何所似正
似初弦月月弦有圓時破鏡難再合夫婿如有知魂魄
隨我行大石沈水底可鑿妾中情

題馬圖

馬何良金吾出神英英簪佗佗錢聯聯玉粟粟劣慄慄
兮陋驛突馬何徠涉流沙千日奇萬里嘉蹠天閑志靡

它天閑遠兮人弗媵馬何厄勿歔歎雄傑喪戰伐滋臬
騎角馭者誰於斯息兮待其時

秋風歌三章

秋風秋風吹我母我母溪山倚閭久家徒四壁衣見肘
欲寄秋風竟鉗口便欲歸去訊安否致奉珍鮭亦何有
仰屋潸然復低首暮冷朝寒博升斗秋風秋風慎勿吹
我淚飄灑母前傷母意

秋風秋風吹我兄我兄與弟皆惇惇秋來聽此秋風聲
江山契闊難爲情去年兄作錢塘行今歲歸來弟蓬瀛

香雪齋集卷二

三九四明藏書

約園刊本

何當從此長合并日拜慈母稱壽觥秋風秋風慎勿吹
我語使兄聽之亂兄緒

秋風秋風吹我身我身何處滄江濱感懷日日潛悲辛
至今只作尋常人人生得意在青春青春一過徒勞神
嗟哉尺蠖何時伸不如一棹歸娛親秋風秋風慎勿吹
我詩入人之耳令人悲

北風辭送余舜咨之京

北風其涼吹子之衣裳我有古琴爲子彈慨慷羣爵飛
舞雲低昂猗蘭在畹天雨霜天門九重兮虎豹在旁子

之去兮道路長

北風其淒吹子之裳衣我有參差爲子寫所思乾坤莽
莽煙雨霏商鼎剝落售有誰軒車頡頏兮富貴是依子
之去兮慎所之

馬食粟

馬食粟馬食粟一閏二百匹一食一百斛去年大旱人
苦饑草根食盡食木皮官司徵粟餒官馬馬何貴重人
何微人心不敢怨只願官馬肥官馬肥走若飛江南江
北正格鬪將軍殺賊要馬騎

春草齋集卷二

三四明齋書

約園刊本

龍淵有珍寶

龍淵有珍寶珊瑚與木難貪者入波濤出入渤澥閒手
持珍寶歸富盛良不艱鄰女相夸耀小兒多覩顏貪夫
之貪終不了再入龍淵探珍寶老龍崛起白日昏大浪
飛來雪山倒等閒性命斷柔絲魚鼈飫餐烏啄之爺娘
妻子仰天哭珍寶如山亦奚爲

春草齋集卷二

春草齋集卷三

詩之三

明慈谿烏斯道繼善撰

五言律詩

排律附

北郭小樓與友玩月

明月中秋近東樓望眼懸故人俱好在清思各相牽天
極銀潢淨涼浮玉露先一尊如此夕別後更何年

偶作

仰頭看白日無語對庭柯萬事只如此百年能幾何近
人黃鳥過隔水白雲多幸此聊相慰悠然發浩歌

春草齋集卷三

卷三

一四明叢書

約圖刊本

題山水圖

莽莽翠峯合盤盤一徑分窗明丹竈火松冒紫壇雲靈
草千年長名花五色殷仙人騎白鹿塵世已斜曛

蚤朝

聽馬入雲飛霞光上翠微未央霄月迴長樂曉鐘稀玉
佩依黃握金章映紫薇御爐香藹藹偏惹近臣衣

病中懷劉虜道

乾坤憎病客風雨暗孤城野水無人渡林鳥落地鳴捲
簾看竹色敲枕聽江聲自遣聊終日懷人底性情

余退軒以詩見寄次韻答之二首

坐增新舊感詩寄短長吟白雪千年調青燈五夜心
潮吞松寺闕山入野雲深可是忘城郭麀車不下臨
溪山饒景物城市隔烟霏蠟展幽時洗霜毫醉後揮
花鳴緯近瓠葉蠹蟲稀夜夜潮聲急空驚白板扉

與諸友山中晚行

山林甘寂寞朋友得從容清吹來雙澗斜陽隔數峯
敗田沙草細陰衙石苔重誰料江城客還來躡舊蹤

將赴石龍北流道中有作

春草齋集

卷三

二四明叢書

約園刊本

局促違清事艱難到白頭一身渾是病兩月未離舟
暮雨聽南鳥晴風沂北流到官期報國寧敢動鄉愁

西湖小隱

勝景金池耳高人玉樹然柳塘披鶴警山崦出漁船
梅吐尊前月松蟠鏡裏天興來彈淥水賞識有逋仙

倪克受惠藥

野曠林煙薄人稀徑草深感時多病客遺藥故人心
江樹移寒影城雲結暮陰五湖千里思一曲夜分琴

送童仲美歸金華

心倦金華客情深故里山不知千石貴自愛一身閒水
氣迷黃柳冰花凝白菅到家談勝事歡溢老親顏

題扇頭山水贈殷本初

海上神仙窟分明入畫圖山雲連太白溪水落東湖路
覺行邊斷亭從僻處孤直教殷處士城市跡全無

石龍棠陰道中遲劉淑齋不至

倚風情脈脈回首帽敲敲歸馬夜行疾遠人春到遲林
深雲氣重山靜鳥聲悲萬里天南客誰歎是故知

懷張孟善

香齋集卷三

三四明鏡書
約圖刊本

目暗曾行路心懸故友家池荷生舊藕畦藥長新芽短
楊微風入疏簾細雨斜空聞長出郭漁屋看桃花

寄韞禪師

孤蹤隨寶地碩德重禪林雨遍龍歸洞天空鶴在陰泉
聲山路靜松影石塘深何日聽高論令人慰夙心

送張彥誠之京

久分依山住今因薦剡行巨魚衝浪躍好鳥及春鳴雙
闕青雲曉千花紫禁晴新除題御筆未覺負平生

寄王彥貞一首

兔泉探夜月熊耳挹巖霏白玉無塵點黃金似土揮鄉
關心已遂城市跡全稀尙愛慈湖水娟娟照戟扉
憶別東臯上經年不共吟塵迷雙病日月照百年心山
色秋霜淺江流夜雨深微軀借君力猶可強登臨

寄桂長史二首

喜氣騰秋日清慰灑夕霏醉眠門得掩散步袖堪揮奇
遇千年盛生還此日稀慶雲遙入望五色繞金扉
青年期豹變白首聽龍吟迴隔低昂位終同報答心晉
陽雲路遠淮甸雨泥深共得歸鄉土天光幸照臨

香齋集

卷三

四四明叢書

約園刊本

題隱士圖况史僉事

有客清風坐乾坤一老身昔年曾補袞今日且垂綸江
水爲襟帶雲山自主賓只愁難久遁丹詔下楓宸

高涼鄒通守以詩寄予石龍次韻奉答

廿年求一見萬里得相親明月寧無酒青山實有鄰天
垂南海闊水漲北溪新不遂重簪盍空慙滿面塵

五言排律

送闍禪師住蘆山四十韻

東漢風聲靡西來氣脈長祖庭森穆穆人物儼踰踰寶

座嚴龍象窮崖冒虎狼騶虞紛晉宋優鉢盛隋唐宋季
猶堪傳今時只可傷有才能卓立無地不懸望公獨嗟
流弊僧中益自強受經依落石執冊傍閒廊素履殊清
苦冥搜極杳茫佳篇追鮑謝楷畫粲鍾王祖父尤明哲
師模亦老蒼劍光生砥石鐘韻響秋霜到處聞英發凌
霄愛激昂六藏巖戶靜三應石雲涼歸去聽鷓鴣飛騰
羨躡躡暫遊靈鷲嶺竟往獨龍岡短榻淮雲表孤筇蕙
帳傍洲僧唯一默倦客謝諸郎雋味時時得微名日日
揚吾軍眞足張季女且深藏故里虛禪刹耆年上薦章

魚腸期破竹羽括果穿楊琴瑟收桐梓林巒宿鳳凰桑
門成矩矱天牖豈尋常曹洞花開久蘆山草欲荒祥輝
重燁燁軟語定浪浪神鬼逐奔走鼓鐘諧鞞鞞瘵人應
扁鵲斂賦肯弘羊我獲叨蓮社神交想竹房往來雖已
久別去未能忘里閭聞高蹈閭借末光天人全友道
地主只吾鄉舊有三生願今當一葦杭爐煙分茗盃松
吹坐藤牀心尙驚猿境身猶逐鹿場刀銛宜爲斲弦緩
翼更張已覺如鯤化伊誰敢雁行祇愁離此處翹舉又
殊方萬里皇圖壯千年道運昌願言終自重說法助王

綱

默齋詩五十韻爲黃仁則賦

矯俗君思默中情我爲申自箴殊摺摺同志故恣恣太
上交耕鑿淳氓絕喜嗔秋風看落木山鳥聽啼春世道
駸駸降言辭漸漸煩網羅成頃刻枝葉長逡巡或恐流
爲禍深令教以身交承惟禮樂行坐正簪紳悃悃通金
石精誠感鬼神坤元蕃草木天象粲星辰合味宣尼歎
宜追衛武塵三緘銘有爲千里繆何因簡冊垂謨訓文
章重石鈞厄言當日出詳說總天論一字難輕議千年

香齋集卷三

六

四明叢書
約園刊本

不易泯郢斤寧見聖扁斲似無輪亦有情難輟仍多志
欲信譏明遭叔向子產罪諸陳肯爲名誇世非圖口禦
人嗶嗶如鄙陸喋喋類儀秦吾悼今成俗人胡不反淳
笙簧爭鼓舌劍戟起搖臂鳩毒先甘輒狐疑劇苦辛誓
將懲澶漫直欲掃譚醇絕意鳴堅白無心著美新輕浮
機不密繁縟道逾湮雍也何曾佞回歟只守仁坐忘終
不妄目擊自全真張鏡心非窳田光學未醇殺身空徇
節杜口鑿羣倫月旦從評我春秋任直臣閒居甘寂寞
終老謝紛綸蠡測聊如此龜占諒未臻頽波誰復障古

并獨無淪涉澗衣嘗揭滋蘭佩已初文能傳紀述策可
應咨詢閱歲知非近樞衣見是親扁齋猶自警修軌足
堪遵舊日曾趨座於今願卜鄰靡爭爲避世無諂豈嫌
貧水際看花柳山中送主賓遠招雲作介旁禮石爲僕
明月青松榻涼風白氎巾彈琴通至意揮麈示玄津醉
眼眈眈共虛懷衍衍均喻觀齊物馬詩想二南麟似是
安成訟終將免遽屯未優金馬詔且作葛天民綠野羣
推度黃山絕勝鄞只愁難遂志耿耿對高旻

送月公赴南臺中丞

香齋集卷三

七

四明叢書
約園刊本

天子憂時劇中丞憤世深新除端有爲舊制匪斯今韻
席非常列兼官秉至忱南司名重大北面氣蕭森矧復
才爲冠多聞眾所欽雄文鳴玉闕御酒醉瓊林立志葵
傾日遭時早作霖諫言書亟早上殿筆嘗管旣盡樞機
職還勝管轄任霜臺宜奏劾石室且披吟拜詔辭丹陛
加恩賜白金贈言分藥石佳製粲瓊琳渤海精神王鄞
江節仗臨清風留冀北瑞靄起山陰再得扶元氣終能
播德音聖心全付託儲貳有規箴唐介應推轂虞眉必
就擒賸看嚴紀律何但作喉衿近日堪流涕諸賢漫用

心思人祇比毒當語竟如瘡蕭艾常波及芝蘭每陸沈
幸公持正色揮手拂妖祲王室猶分寶鬢方尙獻環窮
民來肺石小寇直蹄涔蛇虺寧當劍蝟蟻可亂琴升平
期漸漸恢復諒駸駸論道裨皇極逸才絕孔壬太羹回
澹泊縵樂遠哇淫感鳳吹簫管烹魚漑釜鬻一人丕有
變萬姓得無歆芹意何堪獻樛材豈願尋還朝惟望此
勲業埒高岑

遊香山與王徵君子信途中聯句

一路覓幽題過橋東復西王竹疏林影薄水小澗聲低

春草齋集卷三

八四明叢書

約園刊本

鳥

食籛庖人負詩筒稚子攜王緩行因惜蟻久立爲聽

鷗鳥

牆眼泉龍隱籬腰土犬啼王古藤如臂曲矮樹與

肩齊鳥

過隴虎留跡投巖麕脫臍王尋芝問溪老摘果

借鄰梯鳥

瓦罐煨椒酒沙盤釘葷王漱甘分冷井縱

懶臥柔荑鳥

窰熱燒松火潭香洗藥泥王塘坳飛絮滾

石縫落花栖鳥

健柏攬頽廟荒苔補破蹊王紫拳繁巖

菜青子落棠梨鳥

樵語煙蘿屋僧鉏雨豆畦王歸來日

當午雲外一聲雞鳥

春草齋集卷三

春草齋集卷四

詩之四

明慈谿烏斯道繼善撰

七言律詩

登粵王臺

臺上離離碧草生，風雲盤礴倚孤城。
天空百粵山光遠，地控諸番海氣清。
萬里璽書曾落膽，千年鐵柱見銷兵。
英雄一去知何在，幾處鷓鴣秋雨聲。

送王益謙之京二首

眼看車馬去堂堂，玩愒人間歲月長。
文似健兵能力戰，

春草齋集卷四

一四明叢書

約園刊本

才如良賈只深藏，煙波一釣非無具。
花柳孤村自有莊，滄海遺珠留不得。
隨龍飛起落清湘。

先任湖南安仁縣

其二

東歸三載別湘潭，豈料都門重解驂。
風近香車清閣道，雲移宮樹拂朝簷。
高臺氣轉鳴丹鳳，盛巘春濃滴翠嵐。
老去客懷傾未盡，更期朱紱在江南。

遊海珠寺

吟到中流一凭欄，雲煙散盡水天寬。
靈龜化石支金刹，神物淩波弄木難。
隔岸市塵千里遠，炎風禪榻九秋寒。

何須更覓三神島消得攜琴此處彈

凌雲軒爲泰和蕭君賦

壯氣從來北斗齊憑軒高眺白雲低風清竹樹孤村靜
天接西山一鳥啼新酒每從花底瀉好詩都向壁閒題
元龍何必樓頭臥待爾來遊日杖藜

送汪以敬歸睦州省親四首

楊柳池邊燕子飛藜牀低小竹邊移雲天華嶽持高論
秋水芙蓉出贈詩咫尺動成千里隔綢繆終有百年期
去年曾下清風榻話到無懷未出時

春暈齋集卷四

四明叢書
約園刊本

其二

封豕封狐在眼中此時端合見英雄扶持短世非無術
賈勇長材獨有公出看旌旗人似雨不鳴刁斗月當空
秋風曾灑滂沱泪血濺中原滿地紅

時領團練

其三

官事蕭閒故友多每因持酒發悲歌石生參幕眞無忝
徐庶思親可奈何千里歸帆如健馬滿天急雪似飛蛾
高堂舞得斑衣破也勝朝衫翦越羅

其四

幾番相約話騷離
月出花開酒一卮
去郭自穿東郭履
出門空詠北門詩
暝雲接地山昏早
急浪衝沙雁落遲
歸到嚴陵煩一問
高臺垂釣只今誰

中秋遇雨次趙之才韻

淒風冷雨正綢繆
佳節難將酩酊酬
何處似看今夜月
好懷空待一年秋
燈昏遠寺更初咽
雲抱寒城地欲浮
明月先生賦歸去
何當挾我到瀛洲

次韻酬范運中

讀書窗前煙草深
三年獨守荒山陰
出門駕輿輿脫輻

書齋集 卷四

二四明叢書
約園刊本

閉戶燒鉛鉛不金
唾壺擊出慷慨意
青燈照見平生心
故人苦道不相見
寄詩欲復招我吟

送夏均禮之京二首

歸來朋舊曉星疏
只過東村水竹居
老氣竟消雙目暗
足音還冷一年餘
絕憐風月尋常酒
寧問江山咫尺書
況是送君天上去
柳邊空爲立踟躕

其二

採芳終日水雲鄉
豈料天書落耿光
玉氣久曾衝碧漢
鐘聲今復起清霜
鶯隨野館穿林語
花近仙舟隔幔香

此去莫遲春日路鳳鳴先已在朝陽

野堂爲朱夢良賦

天台何處足幽居委羽山前一草廬田繞薜牆都種秫
沼通溪水贖栽魚桃花每落尊中酒鶴影時浮几上書
一走功名爲客久不知歸夢近何如

涵虛館訪章復彥不值

館在月湖中
賀知章宅也

春風奈此玉人何賀監宅前春水多茶竈筆牀天上坐
酒船花擔鏡中過紫駟何處嘶晴日白鳥當門弄碧波
更愛小橋楊柳外石闌閒倚聽漁歌

卷四

四四明綾書

約園刊本

章復彥許畫茶作詩促之

采詩何必首陽東翠葉菱蕤在眼中傾國可堪誇絕艷
灌園端合想連筒遲徊公館應無事洗滌膏粱信有功
老我不能忘此味幾回題品學涪翁

答馬易之編修次來韻

史臣出入承明廬珠玉娟娟落海隅天上故交多國士
月中閒坐憶樵夫董狐無媿春秋筆賀監寧忘日月湖
深喜欲歸先有信輶車秋盡出京都

劉羽庭太守攜酒訪余北郊贈詩答之

蕭蕭五馬出林郊，窄窄幽栖在草茅。康樂有詩曾夢草，少陵無酒繼行庖。倚欄天接清江表，俯几雲飛綠樹梢。豈料高情千載上，竟忘身與布衣交。

送王元魯歸吳

王郎作掾歸東吳，才名已與功名俱。道上爭看白鴝鵒，海中暗長青珊瑚。西湖竹枝正好聽，北海柳絮安可無。若見林逋爲傳語，烏生不愧麻衣鶻。

題李尚賓御史九峯山房圖

九峯山人不復作，一時佳話至今存。瓦盆盛酒醉賓客，土穴貯書傳子孫。樹暗昭陵青滿席，泉通渭水碧當門。幾番欲往觀陳迹，無奈秦關隔夢魂。

月夜渡水訪童有巖劉子明及其子庸道

月明荷淨不相能，渡水尋幽興倍增。童氏情懷清廟瑟，劉家父子玉壺冰。鹿鳴筵上千年調，魚得門前半夜聲。它日但留詩滿壁，此時何惜酒如澆。

送梅谿贈張維中

小舟出郭八十里，不意好山如此深。溪水尋常沒行路，地氣容易生夕陰。遠尋隱者勝采玉，曾與故人如斷金。

安得比鄰有閨屋君歌古調我彈琴

送吳季章遊東湖

東湖處處好風景一處應爲一月留九隴高寒宜結夏
二靈空闊好吟秋花香度水來禪榻山色隨雲落釣舟
筆底梅花清興動總將風月換羅浮

大松場俞少府歸隱

處處妖氛漲碧天抱琴歸去臥林泉詞人未獻河清頌
國賦猶存海玉篇月到金池空似舊花連鐵甕得如前
野人亦有雲林興又向江城過一年

春暈齋集卷四

六四明叢書

約園刊本

題嘉上人寄懶軒

白雲峯頂飛焦土青林渡頭多綠苔寒澗自流門半掩
禪牀不下客長來晴風野馬經檐過細雨牽牛倚樹開
餘子正從官道上紫纓紅帽走塵埃

次韻會有嚴

錫山曾有白雲期別後多君只自怡三復寄書長歎息
幾回攜手卽啖離茅堂隔水還相覓人物如林獨見知
從此一觴須一詠古人茶宴亦留詩

登九成臺

在韶州帝舜南
巡彈琴於上

重華不見獨登臺，倚孤城，日月開似聽簫韶。千載上
虛疑鳳鳥九霄來。亂山北起，迷煙樹，雙澗南流。浸綠苔。
回首蒼梧天咫尺。南巡曾帶蹕塵迴。

遊南華寺

六祖衣鉢之處有
大塔藏眞像其中

臺殿參差出翠微。曹溪當戶漾清輝。人知碧眼胡僧遠，
誰識黃梅獼獠歸。燕雀不棲千丈塔，風雲長護六銖衣。
嶺南第一唐朝寺，細讀殘碑倚夕暉。

賦王景章拙齋

諸子便嬛方得意，我心樵魯動違時。能言鸚鵡休相笑。

齋東集卷四

七

四明叢書

約園刊本

鈍足駑駘不自支，山屐每因春興著。酒船長信晚潮移，
靜看爐鞴長施巧。此日黃金台鑄誰。

劉羽庭太守攜酒宴倪氏池亭

太守攜壺看藕花，倪家池館似仙家。佳人行酒杯頻覆，
童子催詩鼓數撾。鳥傍竹陰啼側島，魚翻日影近晴沙。
佩環未入天台去，几席叨陪豈有涯。

送王公中丞之山南廉訪三首

御屏多寫大臣名，故老尤關聖主情。每從翠華行闕道，
或承丹詔作長城。尙衣蛺蝶飛羅袖，內府蒲萄滿玉罍。

幾度鴻臚備賜出此時仍復被恩榮

其二

自昔南臺肅紀綱明公此日更堂堂秋霜落處無蕭艾
繡斧行時得豫章賀監湖中看月色蓬萊閣上望天光
誰知驪馬東來後古柏啼烏自夕陽

其三

江郊歇馬一從容再近光儀咫尺中自喜昌黎憐買馬
敢期工部際嚴公林亭每侍金尊酒草閣時來玉佩風
獨念緦戎催視篆無由裨補罄愚衷

卷之三

八

四明叢書
約園刊本

題泉上人容膝齋

世上木妖空突兀山中茅屋好盤桓斂裳宵逝陶元亮
坐榻將穿管幼安紫石繞檐雲起伏碧流當戶月清寒
上人遮莫傍人笑自覺維摩丈室寬

倪氏池亭陪羽庭太守燕集分韻得東字

高軒新構燕諸公捲起珠簾罨畫中八月紅蓮猶待客
半天青柳自生風冰絃促柱催歡伯玉版題詩覩醉翁
且索虎頭圖此景明朝蹤跡任西東

送楊敬修之京

春江雪後水偏多十日輕舟入御河匡國喜遭新主聖
別君無奈舊情何花園仙館從容飲月照池亭慷慨歌
他日風雲千里隔自看白鳥下滄波

次王公中丞杜若湖返舟

百頃風潭一葉舟神仙李郭鏡中浮從容杜若羅生處
蕩漾芙蓉欲盡頭茶竈筆牀延落景水雲沙鳥汎清秋
可中增觀非疇昔歸去山靈似再留

送高麗相還國

琛貢中朝使節持樂浪人物好威儀重生作傅曾匡國

春重齋集卷四

九四明叢書

約園刊本

季札來賓解聽詩喜動龍顏天咫尺行經鼉背路倭遲
陽春不隔黃巖水歸及看花二月時

碧筒飲

翠葉清宵作巨觴碧雲半捲出方塘柔絲尙帶冰蠶口
細窾遙通玉兔光漏瀉渴鳥隨滴點汞搖丹鼎慎遮防
醉魂飄蕩三更後自覺滿身風露香

和史樵雲春興三首

愛此江山几上青故辭城郭到林垞濟時難作隨龍雨
漸老無過先日星牛角悲歌非甯戚鹿裘孤坐且瞿矧

鳳凰若解鳴當世却向溪頭洗耳聽

其二

天下車書已一家樵雲猶是舊生涯落花空館聽春雨
流水孤村數暮鴉鶴怨猿驚知後日龍蟠虎踞是京華
君王長慰廷臣渴不賜黃封卽賜茶

其三

山深路僻少人過早晚唯憑七字哦歸思不隨流水急
閒情渾是白雲多花開躑躅紅千樹筍長篔簹綠數窠
想得此時如杜甫池亭對酒愛新鶯

秦東齋集卷四

十四明叢書

約園刊本

過十八灘

章貢同歸十八灘灘灘斜轉落奔湍蒼龍出峽雲山動
白馬嘶風雪坂寒石起亂堆沙淺淺舟牽百丈路盤盤
鷓鴣又復啼秋雨便合重題蜀道難

登望湖亭

秋風登此望湖亭煙水微茫接首冥地折荆揚天下壯
龍更秦漢至今靈神倉氣吐漫山赤廬阜光飛隔岸青
回首老蘇仙去遠獨留詩句挾風靈

登小孤山

孤峯平野忽嶮岨第一關頭樹影寒直上雲霄扶日月
半橫龍窟障波瀾地分南北青天闕江入東西白水寬
回首柴桑纔咫尺欲尋元亮問休官

秦養浩隱居養母造訪貽詩二首

聞說衡門賦考槃故緣深徑寬清歡行廚愧不如嚴武
命駕徒能學呂安大石滿田春薜濕亂藤垂屋夜雲寒
茅堂爲下青燈榻千載高情未覺難

其二

茅堂低小竹林幽母子相看共白頭絳縣又逢新甲子

香齋集卷四

十一四明叢書

約園刊本

老萊渾似富春秋野田雲暖黃雞啄山甕春濃綠蟻浮
天下昇平甘此樂讀書惟欲老林丘

次韻富楊士廉二首

鐵崖仙去夢魂安之子先登上將壇筆走龍蛇誇旭聖
詩成錦繡薄郊寒敝裘正想雲間脫長劍空於海角彈
昨夜偶來陵水上滿天明月爲同看

士廉常從
楊鐵崖遊

其二

壯遊無復夢長安到處披雲臥石壇石化五羊雲氣暖
井涵孤鳳月華寒瓢因有酒何勞棄冠爲無塵不用強

再入龍山須過此蓬萊天地待君看士廉以事赴廣州過予石龍石龍有風風井求予作蓬壺齋記故末句及之

從心齋爲了自南真人賦

黃河南下客神京不訪移文訪治亭中岳使回尊更綠
故山兵後樹還青籠鶯逸少曾留帖相鶴浮丘已著經
三十六房隨處坐白雲終日護巖扃自南先客燕冀今遊南京治亭在朝元宮嘗奉使祀中岳

廣東留別胡長之

君住三山我四明一時傾蓋五羊城歌求伐木詩中意

春草齋集 卷四

十二四明叢書 約園刊本

琴聽歸樵曲外聲鶯囀上林春色好風生南海瘴煙清
懸知兩地還爲客明月何如此夜情

清嘯軒爲吉水王子常

孤懷耿耿向誰開長嘯清風亦快哉柳下一聲山斷裂
隆中餘韻月低回蒼苔白石江光動小几疏簾樹影來
何似心遊天地表壁間詩句掌中杯

題秋江獨釣圖

綠筠紅樹滿芳洲此處垂綸獨對秋身世百年雙白鳥
風煙萬里一扁舟水明鮫室珠光動日照仙山玉氣浮

只恐天才微漏世文章傳到鳳池頭

送陳生往建寧省親

一路青山數百盤建州山盡野雲寬燈明夜市如吳會
花重春城勝錦官繭紙出溪開玉版石茶憑水試龍團
尊親拜後應相問獨臥滄江草閣寒

送僕尙寶使高麗

憤溝漚在扶桑下海闊雲深萬里餘周禮最優箕子國
漢庭寧惜尉佗書蟠螭新鑄藩王印綵鷁安知陸地車
聖化大行歸復命赤心應念賜衣初

春暈齋集 卷四

十三 四明叢書

約園刊本

六月伏日同謝彥實倪氏池亭小酌

交深交淺情俱好花落花開宴屢嘗佳會一時雲乍合
虛亭六月水生涼瓊芝成棟分金碗蓮實泛杯擘翠房
公慙此時曾縱飲錦箋寧有墨蜚香

上天官尙書予初以布衣上京作此求退

九重頒詔拔儒紳海內均霑雨露新倦鶴豈能冲碧漢
殘花無復向青春螭頭秉筆文章伯鳳輦含香骨鯁臣
黼黻皇猷今已盛鯁生甘作太平民

謁徐孺子祠

南州高士人世表東湖祠堂煙水中聲名不藉陳蕃榻
風節寧虧漢室功窗戶遠招江月白衣冠遙隔市塵紅
寫碑久刻先生傳故使登臨一徑通

題周樗庵隱居

滁州太守老樗庵橋圃投閒只自甘門戶背通深巷北
溪山橫絕小樓南春風鳥跡分花徑晴日蛛絲罨藥籃
一月不聞城府事晚涼隨處倚清酣

其二

出郭南來直到山山雲飛落小窗閒熟知塵世空多事

登皇齋集卷四

十四四明叢書
約圃刊本

已就仙人乞半閒鄰圃雨餘分藥去溪潭日晚射魚還
霜醪不用橋南買春鳥春花亦解顏

送友人夏仲儒赴京

千里輕舟起白沙海中寧戀棗如瓜行人遠召趨金闕
錫燕重看近翠華鍾阜雪晴松換葉秦淮春靜浪無花
衰翁正是忘年友元夕觀燈想到家

七月十五夜對月次蔣孟瞻韻

清虛之府在眉端忽見驂鸞下紫壇昨夜不如今夜坐
老年那似少年看魚龍出水金波動烏鵲無枝玉露寒

定遠雲深鄉夢斷酒尊空復恨長乾

臥病江樓爲點大參被謫而作

力疾江樓看雨晴風吹衣袂暮寒輕雲山遠笑如霜髮
鷗鷺深憐鬢日盟半榻生涯違著述百年勲業負昇平
青天一嘅終何事朝菌空於土上榮

題崆峒圖送龍虎山何仲旭遠遊

遙望崆峒入窅冥幾回招手問山靈洞雲直到于今紫
林木猶含太古青葉滿舊爐存宿火蘚封深穴有遺經
臨風便欲隨君去先向江頭洗鶴翎

春重齋集卷四

十五四明叢書

約園刊本

森玉軒爲上虞徐隱者賦

徐家軒外玉森森都是篋管滿故林亦有尹孳生琬琰
豈無環珮動璆琳琴書靜坐延秋思枕簟高眠對夕陰
我欲贈君持白石金壘遙望碧雲深

送樂生楊彥益還神樂觀

海上清風拂綺寮又歸神樂觀理笙簫鳳凰鳴處紅雲近
鳩鵲開時絳節朝鍾嶺鶴翻高樹雪秦淮水落大江潮
回頭莫問安期信瓜棗於今久寂寥

周瑜墓

巴丘一臥夢初殘遂使江南失羽翰不恨荊州通蜀道
最憂赤壁走曹瞞山光上下風雲壯江影微茫草樹寒
千載尚憐雄傑士有人簫鼓獻盃盤

送於彥仁歸南昌

太平隨處樂年華何惜金錢付酒家浪駕客船魚作媵
雲迎仙佩鹿將車空山日射琅玕樹小渚春明杜若花
歸到南昌須一問琳宮鐵柱在泥沙

過大庾嶺

昔年南去入梅關今出梅關又北還瘴癘偶然全朽骨

春車齋集卷四

十六四明叢書

約園校本

梅花不必笑衰顏泉採卓錫寒松底碑讀荒祠荔子閒
更立西風凝望久五雲飛處是鍾山

送王允恭歸廬陵兼簡王子讓

西津倉卒送歸船未盡清樽話昔年感子遠投雙白壁
嗟予空守一青氈天開左蠡湖光迴月滿南山桂影圓
若見古城三黨老爲言消息底茫然

江上逢春二首

江上逢春坐不歸只將無語對斜暉神龍作雨猶三變
大鳥冲天祇一飛木偶衣冠成底事銅人絃管謾藏機

仰頭遙望雲飛處誰結茅堂在翠微

其二

江上逢春羽翼生落花飛近柳邊城陰雲欲雨還無雨
好鳥能鳴竟不鳴鬼物也知憎命薄文章偏喜逐官行
典衣沽酒無衣典月照空樽只自明

題嶼公所畫湘江萬竹圖

遙望東南萬竹林連岡度坂玉蕭森滿天風雨湘雲冷
落日魚龍楚澤深翠袖倚時人去遠黃頭歌罷思難禁
老禪揮灑緣何事句引新詩作鳳吟

春重齋集

卷四

七

四明叢書
約園刊本

陪桂彥良先生宴董氏荷亭

白頭賢傅晉陽歸十載風塵故舊稀重會豈非天有待
盡歡寧覺地相違雲分野色來池館雨挾花香到客衣
處士要題詩滿壁金盤甘露博珠璣

澹然齋詩爲澤上人賦

太白歸來萬事慵簾垂雲影石房空虛名遠付飛鴻外
勝地冥觀落照中浮蟻杯從何處綠來禽花自及春紅
軍持獨有曹溪水千載餘甘與蜜同

張丞書來許舟相迎舟竟不至戲爲

玉人空寄錦雲箋，目斷蛟門動隔年。昔日移山曾泣鬼，
如今縮地卻慙仙。雲隨魚鳥江天闊，春到鸞花野日妍。
渡口柳條應見笑，夕陽長有落潮船。

謝李弘道寄靈壽杖

寄來仙杖費追尋，滿谷雲霞太華深。元氣百年搏紫玉，
故情千里重黃金。關河迢遞懸愁眼，宮闕森嚴負素心。
敢望孔光霑寵錫，且須扶老舊園林。

東湖

東湖天闊岸縈迴，一曲中間有鏡開。魚艇每從山後出，

春草齋集

卷四

十六

四明叢書

約園刊本

佛燈多落水中來，淩寒身在清虛府。訪古人行紫翠堆，
口口廟前情不盡。白沙青石蔭蒼苔。

二靈山

東湖闊處二靈山，龍吐雙珠落水閒。四面亂峯雲氣白，
半天孤塔土花斑。當年馴虎歸何處，今日輕鷗只自閒。
問訊老僧詩句好，清風謾謾滿松關。

悟空寺

層樓傑閣護慈雲，暮鼓晨鐘咫尺聞。峯削芙蓉天際好，
逕隨薜蔔澗邊分。清風玉佩來仙侶，靜夜篝燈檢律文。

大海一漚吾未解何當從此謝塵氛

育王寺二首

鄮嶺名如鷲嶺傳刹竿無恙已千年地雄南土居三佛
山盡東溟倚半天宸翰香浮高閣表巖泉清出老松前
遊人自覺虛生白猶覓神光上客船

其二

靈蹤深闕壓東南樓閣丹青閃翠嵐燈影半空搖上塔
爐薰千載出西菴山看玉几無雲好泉取金沙瀹茗甘
細讀長公碑刻畫黃昏萬丈覓龍潭

香齋集卷四

十九四明叢書

約園刊本

遊獅子山龍潭

萬壑千峯競鬪奇窮探愁見夕陽低乾坤自是開圖畫
今古誰能盡品題風攪飛泉晴亦雨雲封洞口到猶迷
更憐勝地多神貺却恨仙人不共棲

嘗桔徐子實家

竹下圍棋送夕陽野雲飛盡水風涼已收殘局看花飲
更換佳兒翦桔嘗蒂濕尙含清曉露味甘何待滿林霜
誰知又食家山果舊歲茲辰在異鄉

城南

明州僧寺壁間有荆公
詩換孝子董黯廟在焉

城南風景舊時聞近日長來倚夕曛斷碣有詩王相國
古祠無主董徵君野橋一望皆春水老樹千年獨暮雲
咄咄與誰論往事白頭村叟自耕耘

相山偶作

青山四繞出無門半日從容坐竹根目送溪流入東海
心隨秋日照中原石頭繞路如人立藤蔓和雲落地繁
便合買牛耕谷口人閒何處是桃源

天鏡亭

亭中危坐月輪孤何必西遊賀監湖白水搖光千頃闊

齊東野語卷四

千四明叢書
一約圖刊本

青天倒影一塵無魚龍不敢生風浪鷗鷺何須伴釣徒
當日胡公深納事此中端不許陶朱

登蔣山

作鎮皇州勢獨雄英英紫氣散晴峯龍蟠實爲金陵重
鶴怨曾因蕙帳空雲擁禪關新建塔花明潛邸舊行宮
試凌絕頂閒憑眺錦繡山河感慨中

寄鄉中諸友

五十餘年物外身一官誰料負清貧受金遭謗空慚我
全璧歸來有幾人危驛雲閒明月曉鹿山風靜野花香

諸公足遂家鄉樂耕釣終須作隱淪

題海角石

在廣東省治後

石起孤峯指北堂娟娟玉筍半尋強氣涵海底千年潤
地引山根一脈長昔日誰留清玩在閒雲自益小亭涼
一從開闢高多少直欲從容問五羊

遊寶峯庵和僧穆庵韻

俗名茅庵

亂山窩裏縛禪庵路轉東西漸向南林鳥每留閒客住
野猿時對老僧談庖分夜雨巖前溜閣貯秋雲塢內嵐
誰把新詩題瘦竹一枝搖動翠氍毹

卷四

三四明鏡書

約園刊本

譚節婦

城破兵連遠近村皇皇趨入泮宮門甘從烈士捐生義
不學降臣負主恩氣逐彤雲隨劍化形摹青血與磚存
我來感悼前朝事爲立穹碑慰古魂

弔錢融堂先生

先生嚴州人受學於慈湖楊文元公之門及歸弟子千人

哭龍麒麟幾度秋何人重賦我心憂詞章謾似機中錦
身世空如水上漚今日修文應帝召淳風接武獨嚴州
昔人曾挹慈湖水傾瀉桐江浩蕩流

次蒲庵長老韻二首

據列朝詩集補入

一別老禪三載餘每懷溪上笑談初春山細雨霑烏帽
晴日閒華墮碧疏九日登高曾有約二王小楷未能書
至今不到天香室深媿埃塵少滌除

其二

矯首令人感慨深浮雲蔽日閣層陰六時花散金銀剌
千里塵飛劍戟林經罷看山長獨坐定回倚石自微吟
絕憐松下清冷水好與人閒洗渴心